



Parcs  
Canada


Parks  
Canada



Ka mitshiminakanit assi ute tshiuetinit-mamit *Canada*

# Anite tekuaki neni Ekuanitshiu-minishtikua

## Takuaikan-mashinaikan 2014



Canada 



# Parcs Canada utakuaitsheu-mashinaikan

## TAN TSHE ITATUSSEIAT

Nitatusseshtuananat anitshenat kassinu ka taht anite *Canada*-assit, nitshishpeuatenan mak niminunakutanan eshi-takuak mak eshinniunanut anite *Canada*-assit ashit, nui tutuanananat auenitshenat, tshetshi minuatahk mak apashtaht e kanuenitakanit eshinakuak assi mak essishuemakak tshetshi apashtaht anitshenat ka tauti kashikat mak anitshenat tshe taht aishkat.

## NITATUSSEUNNAN

Ninan ka nakatuenitahk, ninakatuenitenan neni tshishe-utshimau ka tipanashtat assia, anite uiesht meshat tshiashi-tipatshimun mak neni nipia tekuaki tshetshi kanuenitakaniti.

Ninan kaiatusseshiht, nika papamutaiananat takushinitau maniteuat natamiku uetshipaniht tshe uapatinitshiht ussi-tshekuana tshe tshishkutamakuht, tshe mamitunenitahk mak anite tshe metueht.

Nuitshi-atussemananat innuat, nika minu-apashtauanan eshpish uenutishimakanniti utaitunuaa innuat, eshpish shutshishimakak mitshet eshinniunanut mak tan tshe ishi-atusseshtutiat auenitshenat ka taht nutim eshpitashkamikanit assit.

Ninan ka tipatshimushiht, ninanatuapatamuanan utipatshimunuau innuat mak neni eshinakuaki assia, ne ut tshi ishinakuak anutshish *Canada*-assi.

## TSHEKUAN TSHE TUTAMAT

Tshetshi tshishpeuatakaniti, ushkat, ne eshi-takuak assi mak eshinniunanut anite meshta-minuashiti mak tshetshi eka pikunakaniti.

Tshetshi uapatiniueiat eshpish minuashiti mak uenutishimakaki neni assia mak tshetshi uitakannit ka ishpish shutshiteicht mak innishiht anitshenat napeuat mak ishkueuat ka tutahk nenu *Canada*-assinu.

Tsheshi uitakannit eshpish mishta-apatannit nenu ka minitakut anitshenat ka uapatahk. Anitshenat napeuat mak ishkueuat apashtapanat nenu utshissenitamunuau mak utinnishunuau tshetshi tutahk nenu *Canada*-assinu.

Tshetshi atusseshtuakaniht anitshenat ka taht *Canada*-assit, mamu atussenanu tshetshi katshitaikanit e minuut tshekuan, e nashatakanit e minu-atussenanut, ishpitenimitun mak kuishk<sup>u</sup> e aitananut.



Ka mitshiminakanit assi ute tshiuetinit-mamit *Canada*  
anite tekuaki neni Ekuanitshiu-minishtikua  
**TAKUAIKAN-MASHINAIKAN 2014**

Ka mitshiminakanit assi ute tshiuetinit-mamit *Canada* anite tekuaki neni Ekuanitshiu-minishtikua  
Anite ut ka takuaitshenanut itetshe *Mingan*

1340, rue de la Digue  
Havre-Saint-Pierre (Québec) G0G 1P0  
Canada

Kaimitunanut. : 418 538-3331  
Eka ka tshishikashunanut : 1 888 773-8888  
Ka mashinaitshapanit (ATS) : 1 866 787-6221  
Takapitshenikan: 418 538-3595

Atusseau-katshitapatakanit : [information@pc.gc.ca](mailto:information@pc.gc.ca)  
[www.pc.gc.ca/mingan](http://www.pc.gc.ca/mingan)

Takuana mashinaikana eshk<sup>u</sup> eka unuipanitananiti mak kenuenitananiti mashinaikana anite tipan  
*Parcs Canada*

Ka mitshiminakanit assi ute tshiuetinit-mamit *Canada* anite tekuaki neni Ekuanitshiu-minishtikua: TakuaiKAN-mashinaikan  
Unuipanu ashit mashinaikan tshe akaneshaushtet tshe itashtet ne mashinaikan : *Mingan Archipelago National Park Reserve  
of Canada management plan*

Mashinataikanua anite uetshipaniti mashinaikana ka apashtakaniti etutakanit ume mashinaikan

ISBN : 978-0-662-03848-1

No de catalogue : R61-73/2012Rm

Akunikanat ka taht takut mashinaikanit

Miam tipaipishimuan eshpanit ishi-tshitapakanu, ishpimit nashpatshiunit: mashkushu *Cypripède jaune variété à pétales  
plats*, ua tshissinuatshtakanit uiauitakanit Nutashkuan mak ka mitshiminakaniti assia anite *Canada*-assit, atusseutshuap  
anite uashashkutuanit tekuak nete Ueuepitshu-minishtikut, shatshuapakanu minishtik<sup>u</sup> *Quarry* ©Ka mitshiminakaniti assia  
anite *Canada*-assit.



## Eshk<sup>u</sup> eka tshitshue tshitshipannanut

Shutshishimakana eshpish takuaki, shash peikumitashumitannuepipuna, neni assia anite mishta-tipatshimun tekuak, assia ka kanuenitakaniti kie anite ashit shipekut tekuaki nenua ka takuaimatahk *Parcs Canada*, minakanuat kassinu auenitshenat epiht ute assit *Canada* kie anitshenat maniteuat uetshipaniht eshpitashkamakanit assinu, tshetshi nenua assia shatshuapatahk, tshetshi ituteht anite ka mishta-minuashinit assinu mak tshetshi minuatahk anite tataui.

Anite ka mishta-apishashit assi ka tshishpeuatakanit kie ma anite anu ka mishat assi ka mitshetunanut etutenanut, kie ma anite nutim eshpishat shipek<sup>u</sup>, kassinu neni assia ka kanuenitakaniti ute tekuaki *Canada*, tshitshue mitshena neni assia anite tshipa ut minaunakanu ne eshi-kanuenitakanit tipatshimunit tshekuan kie eshi-nitautshik tshekuan anite assit. Anite assit ekute tshe ut tshi utinamashunanut tshekuan, tshetshi ashteieshkushinanut, tshe ut tshishkutamatishunanut kie tshe mishkamashunanut. Nukuannu nenu tshekuannu eshi-minu-kanuenitak ne *Canada*-assi mak eukuan uet, neni assia, minu-tapishiniak eshi-nishtuapamitishuiak miam auenitshenat uetshipaniht ute assit, *Canada*.

Neni assia ka mishta-ishpitenitakuaki, ne ka uenutishimakak kanuenitashun, niminikuitan shash anite peikumitashumitannuepipuna utat. Anutshish, nishaputuepannan e mishituepanitaiat neni assia eshi-tshishpeuatakanniti, mak nimamitunenitanan tshe ishi-mishitaiat mak shash nitaieshkupinan tshe takuaimatamat nete nanikan. Ne etutamat, nanitam nui minu-tapishinan anite eshi-kanuenitashuiat. Nui tutenan ne tshekuan tshetshi uemut minu-itutenanut anite assia ka tshishpeuatakaniti kie kanapua tshipa ui minu-kanuenitakanua tshetshi kanuenitamuakaniht anitshenat aianishkat tshe petuteht.

Nipakushenitanan tshetshi ishinakuak nete nikan, miam tshitshue assia ka ishpenitakuaki, tshetshi uitshikuht auenitshenat epiht ute *Canada*-assit, tshetshi minuatahk kie nishtutahk nenu eshinakuannit utassiuau kie tshetshi uitshiaushiht e minupanitakannit anite shuniat itetshe kie ashit tshetshi minuatakannit inniunnu.

Nenu eshi-uapatak tshishe-utshimau, eukuannu nenu ua mishituepanitat aitatussenanunit anite itetshe eshi-kanuenitashunanut ute *Canada*, tshetshi minat ashit auennua tshetshi nasht minu-tapishinniti anite eshi-kanuenitashunanut anite assit kie anite innit.

Neni tshekuana ka ishpenitakuaki eukuaneni neni tekuaki anite takuaikan-mashinaikanit ka mitshiminakanit assi ute tshiuetinit-mamit anite tekuaki neni Ekuanitshiu-minishtikua. Nimishta-minueniten katshi mitshet nenu auenitshenat atusseshtahk umenu takuaikan-mashinaikannu, anitshenat ashit ka atusseht anite *Parcs Canada*, kie anite upime atusseutshuapit ka atusseht auenitshenat mak anitshenat ka mishta-ashitshiht, ka minuatahk etusseht ka uitshi-atussemitunanunit mak ka nitau-takuaitseht.



Eukuan anite ka uitshi-atussemitunanut kie anite ka ishinakuak tshekuan tshe ui tutakanit, niminueniten tiapuetaman ume etashtet takuaikan-mashinaikan ka tutakanit, ne ka mitshiminakanit assi ute tshiuetinit-mamit anite tekuaki neni Ekuanitshiu-minishtikua.

**Leona Aglukkaq**

Utshimau anite ka tat tshishe-utshimat ka nakatuapatakannit assinu kie utshimau ka takuaimatak anite *Parcs Canada*.



# Ka mitshiminakanit assi ute tshiuetinit-mamit *Canada* anite tekuaki neni Ekuanitshiu- minishtikua

## KA AITASHUENANUT TSHETSHI TUTAKANIT

NE KA SHITSHIMUT TSHETSHI TUTAKANNIT :

---

Alan Latourelle  
Utshimau ka takuaitshet  
*Parcs Canada*

---

Robin Lessard  
Utshimau  
Anite ka takuaimatakanit nete *Mingan*  
Ka mitshiminakanit assi ute tshiuetinit-mamit *Canada* anite tekuaki neni Ekuanitshiu-minishtikua  
*Parcs Canada*



# Nashkumueuna

Nui nashkumananat anitshenat ka mishta-mitshetiht auenitshenat uatshiaushiht tshetshi tutakannit umenu takuaikan-mashinaikannu :

**Anitshenat ka taht mamuitun aieshkuenitamunit** ka mitshiminakanit assi ute tshiuetinit-mamit *Canada* anite tekuaki neni Ekuanitshiu-minishtikua :

Robin Lessard, utshimau, anite ka takuaitshenanut ut *Mingan*  
Stéphanie Cloutier, ka takuaimatak ka uitshi-atussemakanniti upime auennua, anite ka takuaitshenanut ut *Mingan*  
Marlène Arsenault, ka takuaimatak nenu maniteua ka itenitaminiti, anite ka takuaitshenanut ut *Mingan*  
Julie Valcourt, ka takuaimatak assinu ka kanuenitannit tshekuannu eshi-nitautshinnit, anite ka takuaitshenanut ut *Mingan*  
Michèle Boucher, ka uitshiaushit anite etussenanunit, anite ka takuaitshenanut ut *Mingan*  
Charlotte Cormier, ka aiatainak atusseunnu etutakannit nenu ka natu-tshissenitakannit tshekuannu upime auennua, anite ka takuaitshenanut ut *Mingan*  
Denis Dufour, ka takuaimatak aitatussenanunit  
Yves Picard, ka takuaimatak nenu auen uetinakanitau kaiatusseshiht, ka natu-tshissenitakanit kie ka natapinanut tshetshi nishtutatunanut niatapishtatunanuti

**Anitshenat kupanieshat ka atusseht anite *Parcs Canada***

Michel Carrier, ka mishkutapishtatshet ka takuaitshet assinu ka nakatuenitakanit eshi-nitautshik assit  
Daniel Gosselin, nikan ka natu-tshissenitak eshinniunanut  
Lise Cyr, ka tutak atusseunnu, ka uitshi-atussemakanniti auennua upime kie etenitaminniti maniteua ka takushinniti  
Alain Gelly, ka uauitak tipatshimunnu ka aishpannit ueshkat  
Jacques Guimond, ka natuauakaisset  
Yann Troutet, ka mishta-tshissenitak anite eshinakuannit assinu anite ka takuaitshenanut ut *Mingan*  
Nancy Dénomée, kupanieshat ka atusseshtak tshetshi kanuenitakannit eshi-takuannit tshekuannu anite ka takuaitshenanut ut *Mingan*

**Anitshenat ka taht mamuitunit, ka kutshipanitakanit ne tshetshi nasht uitshiaushiht nenu kau ueeshi-tshitapatakannit takuaikan-mashinaikannu**

*Regroupement Petapan inc.*  
Mathias Mestenepeo, Gaston Kaltush mak Alain Wapistan, anite ka utshipaniht innua Nutashkuanit  
Vincent Gerardin, ka aiatainak atusseunnu etutakannit anite atusseutshuapit *Regroupement Petapan inc.*  
Anitshenat kupanieshat ka ututeht anite atusseutshuapit *Parcs Canada* mak tshishe-utshimat anite ka atusseshtuht innua

**Ninashkumananat ashit :**

Anitshenat ka taht mamuitunit ka nashatahk atusseunnu etutakannit anite assia ka tshishpeuatakanniti, anitshenat nutashkuaninunuat kie ekuanitshiunnuat mak kanapua kassinu auenitshenat ka taht kie atusseutshuapa ka takuaki neme ka natu-tshissenitakannit atusseun.  
Yvette Mollen, ka innushtat tipatshimuna



## E takuapetinakanit

Ume takuaikan-mashinaikan uapatiniuenanu neme eshi-uapatakanit nete nikan tshipa ishinakuan, tshekuan tshipa tutakanu tshetshi minupanit kie tan tshipa itatussenanu anite ka mitshiminakanit assi ute tshiuetinit-mamit *Canada* anite tekuaki neni Ekuanitshiu-minishtikua. Ne takuaikan-mashinaikan tekuak ui tutakanu tshetshi etatu minupanitunanut ashit innuat etaht anite assit, tshetshi etatu nishtuapatakanit anite nutim Uepishtikueiau-assit kie nutim eshishat *Canada*-assi ne ka mitshiminakanit assi. Ui tutakanu ashit tshetshi etatu mitshetiht auenitshenat etuteht anite mak tshetshi nakatuapatakanit ne tshekuan eshi-takuak anite, eshi-nitautshik kie eshinniunanut. Mashten, ne takuaikan-mashinaikan tekuak ui tutakanu tshetshi nakatuapatakanit kie minunakutakanit ne assi tekuak nete mamit anite ka mitshiminakanit assi, anitshenat nutashkuaniunuat ka uitshi-atussemakaniht mak anitshenat utenat ka taht kie anite upime.

Nishtuait ne tshe itatussenanut kie tshe ishi-takuaitsheenanut anite papeik<sup>u</sup> atusseuna tekuaki tutakanipani, tshetshi minutakanit neme nikan tshe ui tutakanit anite assia ka mitshiminakaniti ashit tshe ui tutakanit nete nikan pipuna. Kassinu neni atusseuna tapitina anite tshekuannu ua utitaik ne *Parcs Canada*, neme tshe ui tshishpeuatakanit, eshi-takushin ne maniteu mak tshe ui tshishkutamuakaniht auenitshenat. Kassinu neni atusseuna, utitaikana, tshe aitananut tshe ui tshimatakaniti kie tshekuana tshe ui katshitaikaniti tutakanipani. Takuan anite pitute mashinaikanit neme tshipa itatussenanu.

1. Tshetshi tshikanakuak ne eshi-uitsheutunanut ashit anitshenat innuat anite etaht
2. Neni ka mitshiminakaniti assia tshe nishtuapatakaniti nete *Canada*-assit kie nutim eshpitashkamakat assi
3. Neni ka mitshiminakaniti assia ka mishta-ashinenanut tshetshi kanuenitakaniti
4. Tshe ishi-takuaimatakanit mak tshetshi nashatakanit eshinakuak anite mamit

Ne takuaikan-mashinaikan shash anite aieshkushteu ne tshe mitshimaikanit neme ka ishi-katipanikanit assi miam eshinakuak anutshish. Anite ka mitshiminakaniti assia etussenanut tshipa tshi uauetashtakanu neme eshi-tipaikanit assi tshek ma mishkutshipaniti neme tshekuan ua natu-tshissenitakanit kie ma maniteu ui tutaki tshekuannu anite assinu tekuannit, nete itetshe mamit.

Neme tshe ishi-ushkuishtakanit neme nikan kutaka pipuna eukuan tshe ut tshi katshitanakanit tshekuan e nukuak mak etatu tshe minutakanit neme eshi-takuaitsheenanut anite etussenanut assia ka mitshiminakaniti mak tshetshi utitaikannit nenu ua ishpishipanit ne *Parcs Canada*.

Kassinu neme tshe itatussenanut shash an tutakanu tshekuan tshe ut tshi nukuannit e tapishiniht anite assia ka mitshiminakaniti anitshenat epiht nete mamit, *Minganie* ka ishinikatenit mak anitshenat nutim etashiht auenitshenat mak ashit tshetshi shaputuepanit ne atusseun.





# Eshi-takuak anite mashinaikanit

Eshk <sup>u</sup> eka tshitshue tshitshipannanut.....	4
Nashkumueuna.....	7
E takuapetinakanit .....	8
Eshi-takuak anite mashinaikanit .....	9
Ushkat e tshitshipannanut .....	11
1. Tshekuan ma uet takuak kie tshekuan ma uet apatak ne ka mitshiminakanit assi .....	12
Nete itetshe natamit.....	14
Nete itetshe mamit.....	17
2. Tan eshi-aieshkushtakanit atusseun.....	17
2.1 Apishish e uitakanit neme mashinaikan anite ka uauitakanit eshinakuak ne assi ka mitshiminakanit .....	17
2.2 Tshekuan tutakanipan neme takuakan-mashinaikan ka takuak neme pipun 2005 .....	18
2.3 Tshe uitshi-atussemakaniht innuat ushkat ka taht ute assit .....	18
2.4 E uitshi-atussemakaniht auenitshenat .....	19
2.5 Aueshishat, pineshuat kie uapikuna ka kushtikuaki tshetshi eka takuaki .....	19
2.6 Ka nakatuapatakanit tshetshi minu-nitautshik tshekuan kie aueshishat minupaniht, tshetshi minushtet assi .....	20
2.7 Tshe ishi-mishkak takushiniti maniteu .....	20
2.8 Eshi-tapishinanut anite upime.....	21
2.9 Tshekuannu tshe ui tutahk anite etusseht kie nenua ka uitshi-atussemaht .....	21
2.10 Tshekuana tshe ui tutakaniti .....	22
3. E ussi-tshitapatakanit tshipa ishinakuan.....	23
4. Ne uetinakanit tshe ishi-takuaitshenanut.....	24
4.1 Tshekuana ua utitaikaniti.....	24
4.1.1 Tshe minu-tapishinanut ashit anitshenat innuat .....	24
4.1.2 Ne assi ka mitshiminakanit ka mishta-nishtuapatakanit upime ait assit, akami-assit .....	26
4.1.3 Ka ashineuatshenanut ne assi ka mitshiminakanit tshetshi eka nutshitakanit .....	29
4.1.4 Takuan tshe ishi-takuaitshenanut e apatenitakanit ne eshinakuak assi tekuak mamit .....	30
4.2 Tshekuan kau tshe tutakanit eshakuma .....	33
5. Tshipa itatussenanu kie tshekuan nikan tshe ashtakanit.....	34
6. Eshi-tipaikanit ne assi .....	39
Neme eshi-tipanakanit assi 1 : Ka manatshitakanit assi ait ka ishinakuak .....	39
Neme eshi-tipanakanit assi 2 : Anite eka nita ka itutenanut .....	39
Neme eshi-tipanakanit assi 3 : Assi eshk <sup>u</sup> etap ka ishinakuak.....	40
6.1 Eshi-tipaikanit assi nete itetshe mamit.....	40
6.2 Tanite ua itutenanut ashit neme e tipaikanit assi.....	40



7. E takuapetinakanit, neme tshe natu-tshissenitakanit assi .....	43
7.1 Tapishkut tshe ishinakuak.....	43
7.2 Tshe itenitakuak tutakaniti .....	43
7.3 Tshe natu-tshissenitakanit neme tshe ishinakuak tutakaniti tshekuan anite e takuaitshenanut .....	43
7.4 Tshekuan tshe tutakanit tshetshi itsheuenakanit kie ma eka shuk <sup>u</sup> mishta-katshitaitshemakak ne eka ka minuat .....	44
7.5 Etap tshe takuak neme eka ka minuat .....	45
7.6 E natu-tshissenitakanit tshipa ishi-mautshipanu eka menuat tshekuan takuaitshenanuti meshinatet takuaiKAN-mashinaikanit .....	45
7.7 Tshe nakatuapatakanit .....	45
7.8 Ka ishinakuak tshetshi natu-tshissenitakanit assi .....	46
7.9 Tshe natu-tshissenitakanit tan tshe ishi-katshitaikanit neme nutim eshpishat .....	46
7.10 Mashten aimun .....	46
Mashinaikana ka apashtakaniti etutakanit ume mashinaikan .....	47
Aimunnu ka minakanit ne tshe tshitapatak mashinaikannu .....	47
Aimuna .....	48



# Ushkat e tshitshipannanut

*Parcs Canada* uauetashuapatam<sup>u</sup> assia ka mitshiminakaniti, anite tekuannit tipatshimunnū assit nutim eshpishat *Canada* mak nipia ka kanuenitakaniti, nenua ka apiniti ute assit *Canada* uet tutak. Ashineuatsheu nenua assia ka ishpite nitakuanniti tekuanniti, tshishpeuatam<sup>u</sup> mak tutam<sup>u</sup> tshetshi minunakuanniti tshetshi apashtaniti nenua epiniti ute *Canada*-assit, nakatuapatam<sup>u</sup> tshetshi eka pikunakanniti tshetshi kanuenitamuakaniht anitshenat aianishkat tshe petuteht. Ne *takuaikan neni assia ka nakatuenitakaniti ute Canada (2000) mak ne takuaikan tshetshi tutakanit atusseutshuap tshe nakatuapatakaniti assia ka kanuenitakaniti Parcs Canada (1998)* eukuannu uet tutak ne *Parcs Canada* utakuaikan-mashinaikan kassinu nenua etatiniti assia ka ishpite nitakuanniti manakanit tshetshi tshitapatak. Ne takuaikan-mashinaikan eukuan nikan mashinaikan tekuak anite ka mitshiminakaniti assia ute tshiuētinit-mamit *Canada* anite tekuaki neni Ekuanitshiu-minishtikua, tshika ui uapatiniēu nenu ka aitatussēt kassinu auennua ka apiniti ute assit. Shash ne takuaikan tshi tapuētakanu etashtet kie patshitinakanu nete tshishē-utshimautshuapit, ne utshimau ka nakatuapatak assinu itutitapan.

Ne takuaikan-mashinaikan tutakanu katshi uauitamuakaniht, kukuētshimakanihit innuat etaht anite pessish assi tekuak, anitshenat ka taht mamuitunit ka nashatahk atusseunnu etutakannit anite assia ka tshishpeuatakaniti, anitshenat ka uitshi-atussemakaniht mak nutim auenitshenat. Neme netu-tshissenitakanit tshēkuan, eukuannu manakanihit auenitshenat tshetshi petaht aimunnu tshe uitshiuēt mashinataikaniti aishkat tshēkuan tshe nashatakanit anite assia ka tshishpeuatakaniti.

Ne takuaikan-mashinaikan ka tutakanit ne ut ka mitshiminakanit assi ute tshiuētinit-mamit *Canada* anite tekuaki neni Ekuanitshiu-minishtikua, ekute enukutakanit tshe ishi-utinakanit aimun. Uauitakannu anite tshe aitiht uitshi-atussemitutau anitshenat *Parcs Canada*, anitshenat innuat etaht innu-assit, anitshenat ka atusseht kie nutim auenitshenat tshetshi takuaimatakanit neme assi ka mitshiminakanit nete nanikan pipuna. Nasht minu-uitakanu anite tanite tshe itutenanut mak tan tshe aitatussenanut tshetshi takuaimatakanit neme assi ka mitshiminakanit mak e uapatiniēu ananut tshe ishinakuak nete peikunuepipuna ashu patetat nikan, tshēkuan tshe tutakanit, tshēkuan ua utitaikanit kie tan tshe itatussenanut.

Ume takuaikan-mashinaikan uitshiuēu tshetshi tutakannit nemenu ka ishi-uapatak ne *Parcs Canada*, eukuan ume tshēkuan essishuenanut : « Neme eshi-minu-kanuenitashunanut anite itetshe assia shash eukuan ka ishinakuaki, ka mishat tipatshimun kie eshi-takuak anite tshēkuan nete *Canada*-assit, tshika takuannu nenu uteiuat anitshenat epiht anite *Canada*, tshe shaputuepanit neme ka ishi-minuatakanit ne eshinakuak assi, ne *Canada* ».

Neme tshēkuan ua utitaikanit anite e takuaitshenanut mashinataikanu anite takuaikan-mashinaikanit, eukuani neni ua nashatakanit neme utitaikana, neni utakuaikana kie utshishē-utshimau atusseuna kenuenitak ne *Parcs Canada*. Anite takuaikan-mashinaikanit tshi nukutakanu menu-apashtakanit shuniaū ka patshitinakanit tshetshi takuaimatakanit ne assi ka mitshiminakanit, neme ishi-patshitinakanit tshe minu-nakatuapatakanit kie minu-tshitapatakanit etatussenanut. Tshika nashatam<sup>u</sup>, anite ut takuaitshenanut, nenu tutakanniti mashinaikannu tshe itatussenanunit peikupipuna anite ka mitshiminakanit assi.

Anite ka mitshiminakanit assi tshika tutakanu mashinaikan ka aitatussenanut peikupipuna, tan ka ishi-minuat neme atusseun ka tutakanit anite takuaikan-mashinaikanit. Tshika tshi aimitunanu shaputue ashit anitshenat ka uitshi-atussemakaniht kie anitshenat etusseht anite tshe nakatuapatakanit neme tshe itatussenanut nete itetshe ka mitshiminakanit assit.



## 1. Tshekuan ma uet takuak kie tshekuan ma uet apatak ne ka mitshiminakanit assi

Eshpish tutakanit ne assi ka mitshiminakanit tshetshi eka nutshitakanit, neme 1984, ute tshiuetinit-mamit *Canada* tekuaki neni Ekuanitshiu-minishtikua, ui kanuenitakanua tshetshi uapatiniuenanut, eukuan an eshinakuak ne assi tekuak ute ka ishinikatet *Basses-Terres du Saint-Laurent* ute mamit, anite ka tapitiki kutaka assia ka mitshiminakaniti ute *Canada*. Nete itetshe tshiuetinit-mamit tekuak ne assi ka mitshiminakanit, tapitin nete eshinikatet assi *région boréale de la côte est* mak neme itetshe kueshtetshe ka takuak ishinikateu ne assi *Bouclier canadien*.

Ne assi ka mitshiminakanit tshetshi eka nutshitakanit ute tshiuetinit-mamit *Canada* neni tekuaki Ekuanitshiu-minishtikua, nasht nete mamit takuana ute Uepishtikueiau-assit, nete tekuak mishta-shipek<sup>u</sup> *Saint-Laurent*, tashtuit anite Natashkuanit mak nete mamit itetshe. Ne assi tekuak anite pessish shipekut, ishkuau 100 km<sup>2</sup>, nishunnuemakana minishtikua mak peikutshishemita shumittannuamakana minishtikussa, anite eshpishinakuak 150 km tekuak Utshishtunishekau-minishtik<sup>u</sup>, nete natimit mak neme Akuanissiu-shipu, nete mamit.

Ne assi ka mitshiminakanit tshetshi eka nutshitakanit takuan anite tipishkut patetat utenassa tekuaki : Nemishkat, innu-assi Ekuanitshit, Uepimishkat, Piashtipeu mak Akuaniss, itashinanu anite nutim neni utenassa nanitu 4500 auenitshenat. At eka tipishkut takuak ne innu-assi Nutashkuan (*Pointe-Parent*) nete tekuaki minishtikua, ne assi ka mitshiminakanit tshetshi eka nutshitakanit, anitshenat innuat mishta-pessish anite tapishinuat itetshe mamit ne assi ka mitshiminakanit mak ashit ka tapuetak nenu *Canada* nemenu 1979, neme miam ka natapinanut mitshishuakanit tshetshi natuenitakanit ne assi. Mak ashit ne assi metshiminakanit takuan anite pitute anitshenat nutashkuaniinnuat utassiuat eshinikatak Nitassinan, miam ka natashtakanit nete nishtutatunit ushkat ka unuipanit.

Ne assi ka mitshiminakanit tshetshi eka nutshitakanit ait ishinakuan anite nutim eshpishat assi, tanite ekute anu meshta-mishati ashinia ka mameshinaputeti, ka tshimateti ute *Canada*, mitshena assia anite atamit assit, shashish ka anauakaikanikuenu mak ne ashit eshi-takuak tshekuan anite assit eka uiesh tekuak.

Neme eshinakuak tshishik<sup>u</sup> anite itetshe shipekut, ne assi eshitakuak anite ashinia eshinakuaki, shiuapui an uet ishinakuaki ashinia mak neme shipek<sup>u</sup> pessish tekuak eukuan ne uet ishi-nitautshiki uapikuna eshi-mamataunakuaki, eka uiesh anite natautshiki kie eka matsheki. Anite tshemashuht innashtat, anu neumitashumitannu ashu nishuaush-tatunnu ashu nishuaush (488) itatina natamik<sup>u</sup> eshinakuaki uapikuna,


nishtumitashumitannu ashu peikunnu ashu patetat (315) itatina eshinakuaki assia (uishaushkamik<sup>u</sup> kie kutaka) mak ashit peikumitashumitannu ashu peikushteu-tatunnu (190) itatina natamik<sup>u</sup> eshinakuaki uapitsheushkamikua eukuan uet mamitshetuait ishinakuak assi, ne eshi-nitautshik tshekuan anite. Ne assi ka mitshiminakanit tshetshi eka nutshitakanit ute tshiuetinit-mamit *Canada* neni tekuaki Ekuanitshiu-minishtikua, mishta-minuashu ne assi ne uet ishinakuak eukuan neni uapikuna eshi-nitautshiki eka uiesh anite tekuaki ute mamit *Canada*-assit. Passe neni uapikuna ka nitautshinuenu anite minishtikut, eukuan uet mishta-nishtuapatakanit ne assi, miam ne eshinikateti *chardon de Mingan*, kauishauati uapikuna anite tekuaki mishta-shipekut *Saint-Laurent* mak ne *cyripède œuf-de-passereau*.

Mak ashit, anu nishumitashumitannu eshuat (200) natamik<sup>u</sup> eshinakushiht pineshishat, missipat etaht anite minishtikut. Shakuanniti, anitshenat pineshishat kie pineshuat tauat anite minishtikut. Anu 80 000 pineshishat, missipat tutamuat utshishtunuuau anite, anitshenat meshta-mitshetiht tshinashat kie missipat ka taht shipekut. Nishuait anite tauat anitshenat missipat nete minishtikut : anite itetshe *Betchouanes* mak *Watshishou*. Mitshetuat ashit kutakat eshinakushiht pineshishat ka taht anite shipekut, pessish tekushipaniht napiniti, miam ne eshinikatakanit aiapanish. Shash tshekat tshika ishi-uinakanu miam ka kushtikushit tshetshi meshtiakani anite umashinaikanni nenua mamuituna ka tshitapamakaniti eshinakushiniti aueshisha ka kushtikushiniti tshetshi eka taniti ute *Canada*-assit. Tipan ne tekuak, neme eshinakuak minishtik<sup>u</sup>, eukuan uet eka shuk<sup>u</sup> taht anite aueshishat. Muk<sup>u</sup> ne eshinakuak, anu nishunnu (20) eshinakushiht aueshishat anite tauat. Anitshenat uiapamakanit nakana, eukuanat anat matseshu mak uapush. Ek<sup>u</sup> ne nipi tekuak anite, tauat anite aueshishat, nishuait eshinakushiht mishtamekuat kie nishtuait eshinakushiht atshikuat

Ne tipatshimun eshinakuak anite assit, anitshenat ka ishi-taht nenu eshinakuannit assinu anite pessish minishtikut kie shipekut, tashapanat anite innuat, akamassiuashtikushuat (*Basques*, tshishe-mishtikushuat mak *Jerseyais*), kashkanatshuat mak kakusseshiht. Anutshish eshk<sup>u</sup>, anitshenat etaht anite pessish auenitshenat mishta-uenutishiumakanua utaitunuuau, mishta-pessish anite innuat eshinakuannit nenu assinu. Ituteuat nete minishtikut tshetshi minuatahk mak tshetshi itatusseht nakana ka aitatusseht miam nenu ka nakuakanitsheht kie ka kutikuniht.



**KA MITSHIMINKANIT ASSI UTE TSHUETINIT-MAMIT CANADA  
ANITE TEKUAKI NENI EKUANITSHIU-MINISHTIKUA**





## Nete itetshe natamit

Nete itetshe natamit tekuak ne assi ka mitshiminakanit tshetshi eka nutshitakanit nete tekuak minishtik<sup>u</sup> eshinkatet Utshishtunishekau nuash nete eshinkatet Ueuepitshi, ashiniuapishkau ne assi tekuak. Ne eshinakuak anite itetshe natamit ashinia neni pitshissipanua ne ut shiuapui. Tapatanashu ne assi, shashish nekauishapan, tshissekashapan anite ueshkat, mamishaua ashinia tshemateti mak anite tshissekau ne ut shipek<sup>u</sup> uet ishinakuak. Neni eshinakuaki ashinia, nete eshinkatet *basses-terres du Saint-Laurent* eshinakuak assi tshipa ut tapitina neni ashinia, shash neni ishipish 450 neminiun takuanushini utat pipuna. Mitshena ashit anite ashinit tshekamuti shashish neni tshekuana ka takuaki ute assit, tshiashi-aueshishat, nameshat anite atamit nipit uetshipaniti neni ashinia. Aueshishat kie uapikuna anite tekuaki mishta-uenutishimakana, e mishanakat eukuan uet mitsheki anite tshipa tshi tauat anitshenat aueshishat. Anite etaht missipat nete itetshe *Betchouanes*, ekute anite tekuak.

Nete itetshe natakam assit, anitshenat eshuapamakanieht kie eitutakanieht maniteuat, nete itetshe mitshuapit ka ashuapamakanieht kie ka uauitamuakanieht eshinakuanniti minishtikua, peik<sup>u</sup> ne mitshuap tshimateu nete Nemishkat (uitshiatussemanuat anitshenat ka natuapatitsheht anite ekuanitshiu-minishtikut) mak ne kutak nete tshimateu Uepimishkat (uitshiatussemanu ne utenau Uepimishkat). Ashuapamakanuat shash maniteuat kie minakanuat aimunnu nemenu uapikun-pishimua nuash nete apituet ushkau-pishimua.

Anite ekuanitshiu-minishtikua etatiki, peikunnu ashu nisht<sup>u</sup> nete minishtikut tutakanipani anite tshekuana, tetaut neni etatiki minishtikua tutamuakanuat maniteuat peikutshishikua ka takushiniht kie anitshenat ka natshi-kutikuniht anite (e peikussit auen kie ma e mitshetiht). Tshi papamutenanu anite nashipetimit minishtikut mak tshi mitimenanu meshkanaua ka tutakaniti. Neme Ueuepitshu-minishtik<sup>u</sup> tshi pakauat anitshenat ka apashtaht tetapuakana ka utapenanuti. Nete minishtikua eshinkateti Uetshishtunishekau mak Ueuepitshu-minishtik<sup>u</sup>, takuana anite uashashkutueutshuapa.



Kassinu neni minishtikua anite etutakanit tshekuan kie tekuak tshekuan, ishpanua anite ishkuteu-uta tepenitakaniti anite kakusseshiht, nishtuapameu nenua *Parcs Canada*, nishtutatunanipan tan tshe aitatusseniti kie tatutipaikana tshe itutenanut. Passe anitshenat ka kanuenitak ishkuteu-uta anite ut tshitshipanuat Uepimishkat kie ma passe anite ut tshitshipanuat nete ut Ekuanitshit pakupeutshikanit.



**UTILISATIONS ACTUELLES**  
**RÉSERVE DE PARC NATIONAL DU CANADA**  
**DE L'ARCHIPEL-DE-MINGAN**

**CURRENT USE**  
**MINGAN ARCHIPELAGO**  
**NATIONAL PARK RESERVE OF CANADA**

**E ITAPASHTAKANIT ANUTSHISH**  
**NE PAK, KANATA ASSIT, KA ISHINIKATAKANITI**  
**EKUANITSHIU-MINISHTIKUA**



<p>--- Limite de la réserve de parc national du Canada de l'Archipel-de-Mingan Boundary of Mingan Archipelago National Park Reserve of Canada Nete eshpishat ne pak ka ishinikataniti Ekuanitshiu-minishtikua</p> <p>--- Refuge d'oiseaux migrateurs Migratory Bird Sanctuary Anite teueuh missipat(shishipat) kie nishkat</p>	<p> Centre d'accueil et d'interprétation Visitor Reception and Interpretation Centre Mitshuap ka ashuapamakaniht maniteuat kie ka uapatiniakaniht tshekuannu</p> <p> Départ ou escale des bateaux Tour Boat Departure or Stop Uet tshishipaniht kie akumuht ishkueteu-utat</p> <p> Débarcadère Wharf Pakupeutshikan</p> <p> Marina Marina Akumunan</p>	<p> Mouillage pour bateaux de plaisance Pleasure Craft Anchorage Area Ka akumuht ishkueteu-utissat</p> <p> Abri d'urgence Emergency Shelter Mitshuap ka akushimunanit</p> <p> Poste de garde Warden Station Mitshuap ka nakatuapassenant</p> <p> Phare Lighthouse Katepuatitshet</p>	<p> Belvédère Lookout Anite e ashteieshkushinanit</p> <p> Sentier pédestre Hiking Trail Meshkanau tshe papamutenanit</p> <p> Bureau administratif Administrative Office Mashinaikanitshuap ka tshitapakaniti mashinaikana</p> <p> Camping Camping E kutikuninanit</p>	<p> Camping traditionnel pour résidents Traditional Camping for Residents Tshe kutikunihit auentishenat miam ueshkat</p> <p> Camping de groupe Group Camping Tshe kutikunihit mitsheht auentishenat</p> <p> Aire de pique-nique Picnic Area Anite tshe mitshishunanit</p> <p> Abri-cuisine Kitchen Shelter Mitshishutshuap</p>	<p> Toilette Washroom Mishutshuap</p> <p> Activités d'interprétation Interpretive Activities Tshekuan eshi-uapatiniuenanit</p> <p> Accès aux personnes handicapées Access for Disabled People Tshe ishi-pitushkat ka massishisht auentishenat</p>	<p> Parcs Canada Parks Canada</p> <p>Projection cartographique Mercator Transverse Modifiée Système de référence géodésique NAD83</p> <p>0 1 2 4 6 8 km</p>
--	--	--	---	--	---	---







## Nete itetshe mamit

Neni minishtikua kie minishtikussa takuana anite itetshe mamit Kakatshishipiniku-minishtik<sup>u</sup> nuash nete Akuanissit. Neni minishtikua anite ut ashussteua anite eshnikatet assit *Bouclier canadien*. Mamataunakuana neni ashinia, ka uashtepanishuani ishinakuana, nukuan anite tanite uet tshi ishinakuak ne assi kie tan etishekat kie eshi-nitautshik ne assit. Ne eshinakuak assi, minishtikussa takuana, ashiniua apu mishati kie apu ishpanati anite assit eka tshekuan natautshik tshimateua, anite eka shuk<sup>u</sup> ka mishta-shutshishimakak anite tekuak assit ka mitshiminakanit tshetshi eka nutshitakanit.



Nete itetshe mamit

© Patres Canada

Ne assi eshinakuak anite mamit, ishinakuan miam anite tshuetinit, etatu ka takat tshishik<sup>u</sup>. Apu taht mishtikuat. Anite minishtikua kie minishtikussa tekuaki apu mishta-tshinuapekaki mashkushua natautshiki, eukuan uet mishta-minuatakanit anite etutenanuti minishtikut, tshitshue ka apatak kie tshe ishi-uapatak ne maniteu tekushinit. Apu mataunakuak ne eshi-nitautshik anite, peikuan iapit nishtunnuemakana uapikuna tekuaki anite minishtikut eka tekuaki anite kutaka minishtikua nete natamit. Tutakanipan neme pipun 1925 tshetshi tshishpeuatakanit anitshenat missipat tekushipaniht ute, Watshishou ishinikatenu anite ka takushipaniht missipat, nutim ne mamit eshpishat itetshe takuan. Mishta-mitshetuat missipat peneiauh: missipat, tshinashat, tshiashkuat kie kakatshishipat.

Nishina mitshuapa anite manakaniht aimunnu maniteuat tekushinitau nete Piashtipeu mak Akuanissit tekuaki neni mitshuapa. Nete utenassit ut takuaimatakanua ashit. Ashuapamakanuat maniteuat ekue uitamuakaniht tanite tshe ituteht. Apu tshekuan tutakanit tshetshi itutaiakaniht maniteuat, tshetshi uinuau shatshuapatahk kie nete minishtikut kie minishtikussa tekuaki nete mamit. Muk<sup>u</sup> iapit, tshipa tshi takuannu tshekuanu tshe minakaniht maniteuat uitshiaushiht anitshenat epiht anite pessish kie ashit, nutashkuaniunnuat. Anitshenat innuat mishta-apatentamuuat nenu eshinakuannit assinu tekuannit anite Nitassinan.

## 2. Tan eshi-aieshkushtakanit atusseun

### 2.1 Apishish e uitakanit neme mashinaikan anite ka uauitakanit eshinakuak ne assi ka mitshiminakanit

Neme ka uauetashtakanit takuaikan-mashinaikan, tutakanipan mashinaikan tan ka aishpanit neme pipun 2011, uauitakanu tan eshpanit ne assi ka mitshiminakanit. Anite mashinaikanit uitakanu tan eshinakuak assi ka tshitaimananut ne tshekuan ka ashuapatakanit tshetshi ishinakuak miam neme tshetshi nakatuapatakanit tshekuan tekuak, anite upime auen ka tat eshi-uitshi-atussemakanit kie ashit anitshenat maniteuat tekushiniht. Uitakanu ashit tshekuan ka tutakanit tshetshi mitshiminakanit kie ma minutakanit neme eshpanit mak ne eshinakuak atusseun, katshi takuak ne tshe ishi-takuaimatakanit ne assi ka tutakanit takuaikan-mashinaikan neme 2005.

Ne ushkat tshekuan e nukuak anite mashinaikanit ka tutakanit eshinakuak ne assi ka mitshiminakanit, eukuan ume tshekuan ka uauitakanua :

- Nuash ute anutshish, ne minashkuau ekute muk<sup>u</sup> uiapatakanit assi e minu-nitautshik tshekuan kie aueshishat menupiht mak at nete eshinakuaki kutaka, neni patetat tshekuaana anite ka mitshiminakanit assi, minashkuau, anite shipek<sup>u</sup> tekuak, anite eka ka taht mishtikuat, anite tekuaki pakussipekua kie neni minishtikua ka ashiniupishkati mamen minishtikuapishkua. Ne eshinakuak anite minashkuat minuau inanuiapan kie minushteu. Ne eshinakuak anite pessish shipek<sup>u</sup> tekuak, anite eka ka taht mishtikuat mak anite tekuaki pakussipekua apu tshi tshissenitakuaki tshipa ishinakana tanite eshk<sup>u</sup> apu tshekuan tutakanit anite. Mak ashit neme tshe aitutakanit tshetshi natu-tshissenitakaniti nemeni minishtikuapishkua eshk<sup>u</sup> apu tutakanit.
- Neme eshinakuak anite aitun tekuak kie neme eshi-takuaimatakanit tshetshi minu-kanuenitakanit tshekuan, miam menuataui ishi-uitakanipani.
- Ek<sup>u</sup> anite ka natakaniht auenitshenat upime ka taht, shash minu-nishtuapamakanuat anitshenat tekushiniht (katshishkutamuakanishiht kie utenaua mak innu-assia pessish tekuaki). Muk<sup>u</sup>, tshipa ui takuana tshekuaana ua utitakaniti mak tan tshe tutakanit tshetshi natakaniht auenitshenat, mak anitshenat ka taht nete ka mamishaniti utenaua, tshetshi kie uinuau minunahk kie nashatahk nenua



assia ka tshishpeuatakanit ka takuaimataminiti nenua *Parcs Canada*. Ek<sup>u</sup> nete ka tapuetatishuht anitshenat tshe atusseshtahk nenua kie anitshenat ka uitshi-atussemakaniht, auenitshenat ka ui katshitauakaniht mak ne assi ka mitshiminakanit mishta-minu-uitshiakanuat.

- Ka itashiht anitshenat ka shatshuapatahk nenua minishtikua, ne assi ka mitshiminakanit, 34 874 itashipanat neme pipun 2009. Itashipanat anitshenat ka shatshuapatahk maniteuat 20 000 nemenu 2005 nuash ishpish 16 000 nete 2009, atshupanipangat ka itashiht anitshenat tekushiniht, shash matenitakuanupan neme 2003. Ek<sup>u</sup> anitshenat ka ituteht anite minishtikut, anitshenat pessish utenassa kie innu-assia etaht, etatu mitshetunanipan nete 1997 mak 2009. Itashuat anutshish 18 810 ka shatshuapatahk peikupipuna. Anitshenat maniteuat mishta-minuatamuat nenu ka ishi-uapatahk, nenua kupaniesha e aitatusseniti, tshekuannu ashit etutahk mak eshi-minakaniht tshekuannu tekushinitau.

## 2.2 Tshekuan tutakanipan neme takuaikan-mashinaikan ka takuak neme pipun 2005

Mitshet tshekuan nukuanupan katshi tutakanit neme takuaikan-mashinaikan 2005. Neme atusseun ka tutakanit, anitshenat upime atusseutshuapit ka taht uitshiaushipanat.

Nemeni tshekuaana ka tutakaniti nete patetat-tatupipuna utat, eukuani umeni :

- Tutakanipan tshe akuashkuaitsheenanut eshinikatet « *Des îles à la mer* » mak minutakanipan ne mitshuap anite eshuapamakaniht maniteuat kie anite ka uauitakaniti eshinakuaki minishtikua nete Nemishkat, netshenat uitshiaushipanat ka nanatuapatitsheht nete Ekuanitshiu-minishtikua.
- Tutakanu anite tshe ashupamakaniht maniteuat kie tshe uauitamuakaniht tshekuannu nete pitukamit mitshuapit (*Portail Pélagie-Cormier*) uitshi-atussemakanu ne utenau kie anite ka takuaimatakanit pakupeutshikan Uepimishkat.
- Tutakanu anite tshe ashupamakaniht maniteuat nete utenat Piashtipeu mak Akuanissit (anite tshe ashupamakaniht kie tshe minakaniht aimunnu maniteuat mamu tshe takuak nete mamit).
- Tutakanu kie uauetashtakanu tshe ishinakuak ne atusseun anite tshe nakatuapatakanit eshinakuak tshetshi ma minunitautshik tshekuan kie aueshishat minupiht tshetshi minutshissenitakanit eshinakuak nete tekuak tshekuan assit ka mitshiminakanit.

- Ashuapamakaniht ka mamishishtihit ishkuteu-utat ait assit ka ushitshimeht nete pakupeutshikanit Uepimishkat.
- Ka uaueshitakanit neme tekuak uashashkutueutshuap nete Ueuepitshu-minishtikut.
- Atusseun tutakanipan tshetshi utinakanit auen tshe pimutatat aimunnu kie tshe uitshi-atussemakaniht nenua innua etaniti ute utassinit.
- Tshe uapatiniuenanut e aitatusseht innuat innu-aitun ashit anitshenat ekuanitshiunnuat.
- Ka tshimatakanit ne mitshuap tshe uapatiniuenanut innu-aitun nete Ekuanitshit.

## 2.3 Tshe uitshi-atussemakaniht innuat ushkat ka taht ute assit

Ne assi anite tekuak anite ka mitshiminakanit ishi-uitakanu miam assi eka katshi nutshitakanit tanite natuenitakanu anite ka natapishtuakanit ne tshishe-utshimau, anitshenat nutashkuaniunnuat mak ekuanitshiunnuat nenu natuenitamuat assinu.

Shash ume nishtunnupepipuna, anitshenat nutashkuaniunnuat natapishtueuat nenua tshishe-utshimau, nenu tshe ishpannit kie tshipa ishi-atusseuat tshetshi nukuaniti utipenitamunua shash ka takuanniti kie nenu eshi-nishtuapamakaniht ennuht anite assinu shash ka mashinataikannit assiu-kanut kie anite ka mashinatenit *Nishtutatum ka tapuetatuht* anitshenat innuat ka tapishiniht anite Mamuitunit mak Nutashkuaniht, ka mashinatautishuht anitshenat nutashkuaniunnuat utauau-tshishe-utshimau mak uepishtikueiau-tshishe-utshimau nemenua uinashku-pishimua 2004. Ne eshinikatet Nitassinan, tepenitahk anitshenat nutashkuaniunnuat takuannu anite apishish nenu assinu ka mitshiminakannit. Ne eshinakuak, minuu mishkut tshetshi tapishinanut kie tshetshi mishituepanitakanit neme menu-uitshi-atussemitanut ashit nutashkuaniunnuat, tshetshi minunakutakanit ne assi, nete itetshe ka takuanua mamit.



Ka utinakanit tshetshi pimutataht aimunnu anite ut Nutashkuaniht mak Pares Canada



Minu-uauitakanu anite mashinaikanit *Nishtutatun ka tapuetatunanut* neme assi ka mitshiminakanit. Ui tutamuut nenu assinu tshe ishinikatahk *parc national de l'Archipel-de-Mingan* tshetshi mishkutunahk nenu eshinikatenit anutshish *r serve de parc national*. Ne etashtet ashit ui tutakanu « ui etatu minu-tapishinanu kie ait tshipa ishinakuan mak at ne eshinakuak, anitshenat kutakat tiakaukuht nenu ua tutakannit kie takuaimatakannit assinu ka mitshiminakannit tshetshi eka nutshitakannit » mak ashit neme tshe ui natapinanut ne tshe ussinakuak *Nishtutatun tshe ishi-katshitaukuht kie tshe ishi-minakaniht nenu assinu* ka mitshiminakannit, nishtutatun shash ka tapuetatunanut neme 2007-2008. Passe tshekuana apu tut tshishtapanitakaniti anite nishtutatunit, shash tshika takuan neme mashinatautishunanuti neme mashinaikan tshe tapuetatishunanut kie tshe mashinatautishunanut ashit tshishe-utshimauat. Nemenu shash pishimussa 2009, uitshi-atussemanipan ne mamuitun eshinikatakanit Petapan inc. tshetshi tutakanit ne atusseun ka natu-tshissenitakanit tshetshi ma tshitshue uitshiaushikuenat nutashkuaniunnuat anite e aitatussenanunit nenu e uauetashtakannit takuaikan-mashinaikannu.

Ek<sup>n</sup> nemenu utassiuau ka natuenitahk kie ka ut natapiht anitshenat ekuanitshiunnuat, eshk<sup>n</sup> apu takuak nishtutatun ka tapuetatunanut, apu eshk<sup>n</sup> tapuetatuht ashit utaua-tshishe-utshimaua mak uepishitkueiau-tshishe-utshimaua kie anitshenat ekuanitshiunnuat. Muk<sup>n</sup> uin, ne innu-assi mitshet mashinaikana shash patshitinam<sup>n</sup> nenua e uauitakanniti utipenitamunuaua e mamitunenitamikuht, tshekuannu ashit ua katshitinahk kie tshekuannu ua apashtaht nenu eshpish tutakannit assinu ka mitshiminakannit, nemenu pipunnu 1984.

Neme pipun 2010, *Parcs Canada*, Ka mishituepanitat e shuniatshenanut *Canada* kie mak ne tshishe-utshimau ka atusseshtuat innua mamuitupanat ekue patshitinahk 2,5 neminiun tshetshi uitshiaushit e tshimatakannit mitshuapinu anite tshe uapatiniuenanunit innu-aitunnu nete Ekuanitshit. Eukuan, anitshenat ekuanitshiunnuat tshika takuanu anite tshe ituteht tshetshi natshi ashu-patshitinahk innu-aitunnu mak kanapua tshe nukutaht innu-aimunnu kie eshi-tapishiniht anite ekuanitshiu-minishtikua. Ne mitshuap anite tshe nukuak innu-aitun tshika patshitinam<sup>n</sup> tshekuannu eka nanitam tshe uapatakannit mak tshe minu-utinakannit anite innu-assit, ka ui matinuenanut innu-aitun eshakumitshishikua.

## 2.4 E uitshi-atussemanianiht auenitshenat

*Parcs Canada* ushkuui tshetshi uitshi-atussemat auennua etaniti anite utanassa kie innu-assia tekuanniti tshetshi tutak nenu utatusseun. Nenu eshi-uitshi-atussemat auennua tutam<sup>n</sup> tshetshi minupanitunanunit mak tshetshi kanuenitakannit nenu eshinakuannit, tshetshi matinuemitunanut neme eshi-uapatakanit mamu ne e tshishpeuatakanit, e tshishkutamuakaniht auenitshenat mak e uapatiniakaniht tshekuannu maniteuat.

Ne mamuitun ka tshimatakannit neme uapikun-pishimua 2002, nashatam<sup>n</sup> nenu assinu ka mitshiminakannit mak mishta-apatannu utatusseun, nenua utshimaua ka atusseshtaminiti ka mitshiminakannit assinu netu-tshissenitaminitau tshekuannu natikuat. Mitshetuait utshipanuat anitshenat etaht anite, mate : ka ut tshimananit utenassit ut, utshimauat ka mamuituht neni utenassa pessish minishtikua tekuaki, anitshenat ka kanuenitahk ishkuuteu-uta, mamuitunit ka taht nenu ut pakupeutshikannu Uepimishkat, anite ka taht ka natu-tshissenitakanniti minishtikua, mamuitun mishue utenaua ka natu-tshissenitakanit assi etutakanit, mamuitun *ZIP* ka ishinikatet, mamuitun anite etaht anitshenat epiht utenassa kie anitshenat nutashkuaniunnuat mak ekuanitshiunnuat.

*Parcs Canada* uitshi-atussemeu nenua mamuituna ka atusseniti nete minishtikut Utshishtuneshekau, ka tutakanit ne mamuitun tshetshi minushtakanit kie takuaimatakanniti nemeni mitshuapa anite ka takuanueni anite minishtikut, ne uashashkutueutshuap ka takuanua nete Utshishtuneshekau-minishtik<sup>n</sup>. Ne mamuitun tutakanipan anitshenat uatshiaushiht Nemishkat mak anitshenat utshimauat ka mamuituht anite utenassa tekuaki Ekuanitshiu-minishtikua.

## 2.5 Aueshishat, pineshuat kie uapikuna ka kushtikuaki tshetshi eka takuaki

Ne assi ka mitshiminakanit mishta-apatannu miam ishi-tshitapatakanit itetshe ka ushimutuananiht aueshishat kie pineshuat ka kushtikuannit tshetshi meshtiakaniht. Eukuan nete, Ekuanitshiu-minishtikua tekuanniti tauat aiapanishat, shash anitshenat ka kushtikuannit tshetshi meshtiakaniht, shash ishi-uinakanuat anite umashinaikanit ne mamuitun ka nakatuapamat aueshisha ka kushtikuannit tshetshi meshtiakanniti shash neme shetan-pishim<sup>n</sup> 2012. Mishta-mitshet anitshenat etashiht nutim eshpitashkamakanit assit takushipannu anite minishtikut tshetshi ashteieshkushiht eshakuminipina. Ne assi ka mitshiminakanit, assi an ka mishta-apatannu tshetshi taht anitshenat aiapanishat.



Aiapanish

© Christophe Buidin

Taushkamushapan nemenu 1924 ne ushteshimau Marie-Victorin, ne uapikun ka ishinikatakanit *chardon écailléux* kie ma *chardon de Mingan*, takuan ute Uepishtikueiau-assit nete muk<sup>u</sup> tekuaki minishtikua. Ishi-uitakanu miam ka kushtikuak tshetshi eka takuak neme *TakuaiKAN aueshishat, pineshuat kie ma uapikuna ka kushtikuaki tshetshi eka takuaki kie ma tshetshi meshtiakaniht* ute Uepishtikueiat. Nete ait *Canada*, takuana nete assit eshinikatet *Alberta* mak nete *Colombie-Britannique*. Tutakanipan atusseun tshetshi kau nitautshitakaniti neni uapikuana neme 2001, tshetshi etatu mitsheki neni uapikuna ka kushtikuaki tshetshi nipumakaki. Ne uapikun eshinikatet *chardon de Mingan*, tshishkutatimashuatshenanu an.

Mitshet kutakat aueshishat kie pineshuat ka kushtakannit tshetshi meshtiakaniht kie ka uinakaniht anite *TakuaiKAN aueshishat, pineshuat kie ma uapikuna ka kushtikuaki tshetshi eka takuaki kie ma tshetshi meshtiakaniht*, takushipanuut anite minishtikut nanikutini miam ne nutshipaushtikueshish, uhu ka tat massekut, pineshish ka ishinikashut *moucherolle à côté olive*, tshatshakanu mak pineshu ka ishinikashut *faucon pèlerin*. Anitshenat aueshishat etaht anite minishtikua tekuanniti, eukuan uet ishi-nishtuapatakanit mishue anite assit ne kenuenimakaniht anite aueshishat.

## 2.6 Ka nakatuapatakanit tshetshi minu-nitautshik tshekuan kie aueshishat minupaniht, tshetshi minushtet assi

Pitshenik tutakanu ne atusseun tshe ishi-nakatuapatakanit ne assi tshetshi minushtet tshekuan, anitshenat etaht aueshishat kie tshetshi minu-nitautshik anite minishtikut. Nemeni nashatakanua ka ishi-nashatakaniti patetat tshekua anite assit tekuaki: minashkuau, anite shipek<sup>u</sup> tekuak, anite eka ka taht mishtikuat, anite tekuaki pakussipekua kie neni minishtikuapishkua (minishtikua kie minishtikussa ka takuaki mamit). Ne eshinakuak assi ekute anite tshe uapatakanit tshetshi ma minu-nitautshik

tshekuan tekuak anite. Kassinu neni assia etatiki, takuana anite tshatapatakaniti tshetshi tipaikaniti neme eshpishipaniti tshekuan anite tekuak assit ka uauitakanua, tshetshi minupaniti.

Neme tshe tutakanit tshekuan, apashtakannipan atusseuakan, nemenu ka tutak ne *Parcs Canada* tshetshi nakatuapatak atusseuna. Ne tshekuan iapashtakanit nishtuait ishinakuun: ne mamishteuait eshi-nitautshik anite tshekuan, eshpanit natautshiki mak eka menuat e aitutakanit. Neme uetinakanit tshekuan tshe ishi-tipaikanit utshipanu anite eshinakuak nakana neme assi. Ishinakuaki neme tshekuan ka tshitapatakanit (minuau, tshipa minuau kie apu minuau), ne eshi-uitamatshemakak (assi natautshik) tshika nukuan anite eshinakuak. Ussinakuun ne atusseun ka nakatuapatakanit assi, mitshet tshekuan anite ui tshimatakanu kie ma tshika tshimatakanua shash tshekat. *Parcs Canada* uauetashtau nenua atusseuna ka takuanniti tshetshi nakatuapatakanit tshekuan.

## 2.7 Tshe ishi-mishkak takushiniti maniteu

Nete itetshe *Minganie* eshinikatet, mitshet anite tshekuan takuan, tshetshi uapatak ne auen ua mupit kie anitshenat maniteuat ua natshi-tshiamapiht, ua uapatahk tshekuannu eka nita ka uapatahk, assi eshinakuak kie eshinniunanut. Eukuan an eshinakuak ne assi ka mitshiminakanit, uet itutenanut ute assit. Nemenu pipunnu 2008, ne utenass Uepimishkat mishtanishtuapatakanu ashit ekute ekumuht ka papamishkashiht anite ka mamishishati ishkuteu-uta ka pushiht, anitshenat ka natshi-uapatahk mishta-shipek<sup>u</sup> *Saint-Laurent*.



Uauitakanu aishinakuak nete minishtikut, île du Fantôme

© Parcs Canada/Jacques Pleau

Neme anu meshta-mitshetunanuti, neme uapikun-pishim<sup>u</sup> nuash ushkau-pishim<sup>u</sup>, ne assi ka mitshiminakanit, takushinua maniteua nuash ishpish 30 000 itashinua, anu tetaut itashuat anitshenat maniteuat uetshipaniht anite pessish utenassit. Anitshenat maniteuat ka kanuenitahk ututuaua, tshipa tshi ishkanipipuna ituteuat nete minishtikut.



Maniteuat ka minuatahk e pimuteht tshipa tshi papamuteuat anite minishtikut, tutakanipan anite tshe pimutenanut kie ma anite e tetipeuenanut neni minishtikua, tshipa tshi kutikuninanu anite ka tutakaniti anite tshe tshimatakaniti patshuianitshuapa kie ma anite upime, tshipa tshi mitshishunanu kie ma tshipa tshi itutenanu anite ka uauitakaniti minishtikua nete utenassa tekuaki kie ma nete minishtikut, kie ma muk<sup>u</sup> tshiam tshetshi shatshuapatakanit anite eshinakuak ne assi. Tshipa tshi shatshuapatakanua ashit etakuashkuaitshenanut nete Nemishkat kie ma nete Uepimishkat, maniteuat ashuapamakanuat nete mitshuapit ka akuashkuaitshenanut.

At e mishta-minuashit tshekuan anite e nitautshik kie tekuak minishtikut, nishina ashit uashashkutueutshuapa anite Ueuepitsu-minishtikut nete Uepimishkat mak nete Utshishtuneshekat-minishtikut pessish tekuak nete Nemishkat. Ne tshishe-utshimau ka atusseshtak ka kussenanunit kie shipekunu ute *Canada* tipenitam<sup>u</sup> nenua uashashkutueutshuapa. Nishtututapanat anitshenat tshishe-utshimauat, patetat-tatupipuna ishpish kie tshika tshi kau minuat nishtutatananu, tshetshi anitshenat etashiht tshishe-utshimauat apashtaht nenu eshi-kanuenitashunanunit muk<sup>u</sup> anite ua ishinakuak tshekuan. Nenu eshinakuannit anite nishtutatanit, ne *Parcs Canada* uin nenua tipenitam<sup>u</sup> uashashkutueutshuapa. *Parcs Canada* mak anitshenat utenassa tekuaki anite tapuetamupanat tshetshi minunakutakaniti nenua uashashkutueutshuapa.

## 2.8 Eshi-tapishinanut anite upime

Ne atusseun etutakanit anite eshi-tapishinanut upime, ui natakanuat auenitshenat uetshipaniht ute *Canada*, anite uatshiht, e metueht, anite katshishkutamatsheutshuapit kie nete utenamuak kie utinnu-assiuat. Ui tutuakanuat tshetshi pessish taht anite aitatussenanunit nete assia ka mitshiminakaniti mak tshetshi uapatiniakaniht menuanit nenu atusseunnu etutakannit anite utinniunit nenua epiniti ute *Canada*-assit. Tshishkutamuakanuat nenu eshinakuannit eshi-kanuenitashunanunit mak tshetshi minu-nishtutahk eshinakuannit.

Katshi tutakanit neme assi ka mitshiminakanit, mishta-atussenanuipap tshetshi natakaniht anitshenat auassat epiht pessish minishtikua tekuanniti, tshetshi tshishkutamuakaniht kie uauitamuakaniht nenu eshinakuannit assinu ka mitshiminakannit. Tshishkutamuakanuat anitshenat ka apishissishiht, innuat ashit natakanuat nete e nishiki innu-assia. Patshitinakanu aimun kie tutakanu tshekuan tshetshi minakaniht aimunnu auenitshenat epiht pessish tekuanniti minishtikua, tshekuannu ueassinakannit anite kie tshekuannu etutakannit nete minishtikut.

Anite atusseu-katshitapatakanit kie neni eshinakuaki tshekuan ka apashtakaniti etatu anutshish takuana nete etaht auenitshenat. Tshetshi etatu mitshetiht anitshenat ka natakaniht, tutakanipani tshekuan tshetshi natahk nenu aimunnu. *Parcs Canada* nikan ashtau nenu katipatshimu-mashinaitshenanunit. Mitshetuau natuenitakanu tshetshi mashinaitshenanut ne minishtikua e uauitakaniti kie ma tshetshi akunitshenanut, anite ka tshitapatakanit tshetshi nukutakanit kie ma tshetshi tipatshimunanut kie ma tshetshi matau-katshiuunanut. Ne etutakanit eukuan uet tshi mishta-nishtuapatakaniti neni minishtikua nete ka mishati utenaua.

## 2.9 Tshekuannu tshe ui tutahk anite etusseht kie nenua ka uitshi-atussemaht

Nenu tshekuannu tshe ui tutahk anitshenat etusseht kie nenua ka uitshi-atussemaht, tshika ui tutamuak tshetshi uitshiaushiniti auennua kie atusseutshuapa ka shapenitaminiti tshetshi tshekuannu tutaminiti anite minishtikut.

*Parcs Canada* ui uitshi-atussemeu mishta-pessish nenua utenassa kie innu-assia pessish tekuanniti mak nenua nutim etashiniti auennua tshetshi tutak utatusseun ka ishinakuannit tshetshi tutak. *Parcs Canada* pakushenitam<sup>u</sup> tshetshi tutuat nenua etaniti anite utenassit kie innu-assit, tshetshi uitshiaushiniti anite etutakannit tshekuannu, shetshen tshetshi atusseniti. Mate, shash nishtupipuna eshpish naikakanit, mamushatshinakanu ka uinnakuak tshekuan nete nashipetimit, uitshiaushiuat passe atusseutshuapit ka atusseht, ui tutuakanuat auenitshenat tshetshi nakatuapatahk nenu eshinakuannit assinu.

Ne assi ka mitshiminakanit tekuaki neni minishtikua, uitshiaushinanu anite mitshet tshishe-utshimat, Utauau-tshishe-utshimau kie Uepishtikueiau-tshishe-utshimau mak kananatuapatitsheshiht kie nete katshishkutamatsheutshuapit tshetshi tutakanit neme atusseun tshe ishi-nakatuapatakanit neme eshi-nitautshik tshekuan, tshetshi mitshiminakanit eshinakuak kie ma tshetshi etatu minutakanit neme eshinakuak assi mak tshetshi nishtuapatamuniakaniht kassinu epiht anite *Canada*. Anite ut assit ka mitshiminakanit, tekuaki neni minishtikua, uitshi-atussemeu ashit nenua mitshet tshishe-utshimaua kie atusseutshuapa ka nakatuapataminiti assinu, eshi-nitautshinnit tshekuannu mak aueshisha etaniti.



Uitshiaushiu ashit anite e aitatussenanunit, tshekuannu ka katshitaukut, nenua atusseutshuapa tekuanniti anite pessish uitshieu, miam nenua mamuituna ka nashataminiti atusseunnu : nutashkuaniunnuat mak ekuanitshiunnuat, atusseutshuap ka atusseshtak nenua utenassa ka takuanniti ute *Minganie*, neni utenassa Nemishkat, Uepimishkat, Piashtipeu mak Akuanissit, ne mamuitun *ZIP Côte-Nord du Golfe*, atusseutshuap ka mishituepanitat eshinakuannit atusseunnu tshetshi shuniatshenanunit anite *Canada*, ne atusseutshuap ka uitshiaushit anite ua mishituepanitakannit eshinakuannit atusseunnu ute tshiuetin-mamit, atusseutshuap ka takuak anite *Minganie* ka uitshiat atusseutshuapa tshetshi tshitshipanniti atusseunnu, ka mamuituht auenitshenat, mamuitun ka taht kanataushiht kie anitshenat kuesseht, ishkuteu-uta tepenitahk mak nete ka natuapatitshenanut minishtikut atusseutshuap ka takuak Nemishkat.



Nakatuapatakanua eshi-nitautshiki mashkushua eka mishue tekuaki

© Parks Canada

## 2.10 Tshekuana tshe ui tutakaniti

Eukuani umeni tshekuana tshe ui tutakaniti, tshe ui tutakanit anite tekuak neme assi ka mitshiminakanit. Nete utshipanua mashinaikanit ka tutakanit neme 2011, neme ka uauitakanit eshinakuaki neni minishtikua.

### E uitshi-atusemakaniht innuat

- Mitshiminakanit kie shaputuetaapanit e minu-uitsheukaniht innuat, miam ne e uauitakanit tshiashi-atiun e aitatussenanuti (innu-aitun).
- Tshetshi etatu nukuak menuat ne assi ka mitshiminakanit anite itetshe atusseun eshpish takuak, shunia e pitutepanit nete etaht innuat.
- Pitukatakaniti anite eshi-takuaimatakanit ne assi ka mitshiminakanit nenu eshi-nishtuapatahk innuat kie eshi-tshissenitahk tshekuannu tshetshi minu-tshikanakuak ne tshekuan eshpitenitakanit anite innu-aitunit.

### Nete itetshe mamit

- Nishtuapatakanit neme eshi-nitautshik tshekuan kie eshi-takuak tshekuan kiatshtaikan neme aitun.
- Tshetshi etatu mitshat neme e tshishpeuatakanit, e tshishkutamuakaniht auenitshenat kie tshekuannu tshe uapatiniakaniht maniteuat mak anitshenat ka taht pessish auenitshenat tshetshi uitshiaushiht kie ashit anitshenat nutashkuaniunnuat.
- Mishituepanitakanit neme etusseshtakanit anite itetshe mamit mak tshetshi nakatuapatakanit eshi-takuak assit, tshetshi minushtet.

### E minu-nitautshik tshekuan kie aueshishat minupaniht, minushteu assi

- Tutakanit neme atusseun tshetshi uaeshi-tshitapatakanit neme ka nakatuenitakanit tshekuan tshima minu-nitautshik tshekuan kie aueshishat minupaniht.
- Tshishpeuatakanit neme eshi-takuak tshekuan nete assit ka kushtikuak tshetshi pikunakanit kie ma metshitakanit.
- Minu-nakatuapatakanit neme eshi-mishkutshipanit tshishik<sup>u</sup> kie etutatshemakak anite assit ka mitshiminakanit.

### Eshi-kanuenitakanit anite itetshe aitunit

- Amatshuepanitakanit eshi-nishtuapatakanit neme eshi-takuak tshekuan anite aitunit.
- Kanuenitakaniti nemi eshi-takuaki tshekuana shash neshtuapatakaniti, nenua innuat ka nakatahk tshekuana.
- Tshishtakaniti neni ka uaeshtakaniti kie ka minunakutakaniti uashashkutueutshuapa.
- Tutakanit ne mashinaikan anite e uitakaniti eshi-takuaki tshekuana aitunit tshetshi minu-uauetinakaniti neni aituna anite assit ka mitshiminakanit.

### Tshe uitshiaushiht anitshenat epiht anite pessish

- Mitshiminakanit kie mishituepanitakanit neme mamu e uitshi-atussemitunanut mak utinakanit menupaniti tshetshi uitshi-atussemitunanut mamu.
- Tutuakaniht auenitshenat tshetshi taht anite e aitatussenanunit, kie anitshenat etaht innu-assit, neme tshekuan etutakaniti nete minishtikut.



### Eka matshetunanut tekushinanut

- Tshetshi etatu mitshetiht auenitshenat tekushiniht tshetshi mupiht.
- Tshissenitakanit tshekuan tshipa tshi tutakanu tshetshi minakanit nenu ua apashtaht mak eshi-natuenitahk.
- Tutakanit tshekuan tshetshi minu-uauitakanit neme assi tshetshi mitshet auenitshenat katshitaukuht.

## 3. E ussi-tshitapatakanit tshipa ishinakuan

Ne e ussi-tshitapatakanit tshipa ishinakuan, uauitakanu nete tshipa itutenanu nete nanikan ne assi ka mitshiminakanit e uauitakanit, neni ekuanitshiu-minishtikua tekuaki. Ne eshi-uapatakanit ui tapuetatishunanu kie shutshenitakanu tshetshi minu-nishtutakanit ne eshi-tapueienitakanit, eshinakuak tshekuan ua nukutakanit kie eshinakuak nete assi ka mitshiminakanit. Uauitakanu neme assi tshipa ui ishinakuan, nete nikan tshi peikunnuqipuna ashu patetat neme tshe ishi-kanuenitakanit tshekuan tekuak, tshe ishi-tshishkutamuakaniht auenitshenat mak tshekuannu tshe natahk anitshenat maniteuat.

*Ishkuess ka utshipanit nipit, ishkuess ka utshipanit ishikutet*

« Nete tshiuetin-mamit, ishkuess an ka utshipanit ishikutet, neme assi ka ashiniupishkat nete tekuak assit ek<sup>a</sup> nete Minganie, ishkuess an ka utshipanit nipit: neni minishtikua eshi-pikuapauet assi an, metikat ka kushapet atamipekut... »

**Ushteshimau Marie-Victorin**



*Nete piakuetautshipanit assi minishtikut Massishk napaut*

© Parks Canada

### Nete 2028 tananuti

Ne assi ka mitshiminakanit neni ekuanitshiu-minishtikua tekuaki kanuenitam<sup>a</sup> kie uapatiniueu nenu tshekuannu tekuannit anite minishtikut, eshi-tapitinit nete ut assinu eshinikatet *Basses-Terres du Saint-Laurent* nete mamit mak ashit nete itetshe eshinikatenit *Bouclier canadien* eshi-tipanakannit assinu. Neni minishtikua, ut nishtuapatakaniti tanite ashinia anite tshimateua, mamataunakuana, missipat anite tauat kie mitshena uapikuna natautshiki anite eka ait natautshiki.

Anitshenat innuat nanitam anite ituteuat minishtikut, shash mishta-mitshetupipuna. Ishpitenitameueu nenua utipenitamunua ne *Parks Canada*, minupanieu nenua innua etaniti, nutashkuaniunnua kie ekuanitshiunnua. Nenu eshinakuannit utinnu-aitunau, nenu eshi-nishtuapatahk assinu kie eshi-nishtuapatahk tshekuannu, mak nenu e aitatusseht e nukuannit, anitshenat innuat uitshiaushiuat nenu tsheshpeuatakannit assinu kie ua minunakutakannit nenu assinu ka mitshiminakannit, katshitinamuat nenu tshekuannu menuannit kie e pitutepannit shunianu mak atusseunnu.

Ne assi ka mitshiminakanit itapatan tshetshi uitshamakaniht anitshenat maniteuat ute tshiuetin-mamit ute Uepishtikueiaua-assit. Eshakumipipuna, mishta-mitshetuat maniteuat tekushiniht anite minishtikut meshta-minuatahk nenu eshi-uapatahk miam nenu ka itenitahk tshetshi uapatahk. Anitshenat ka mupiht ituteuat nete mitshuapit ka ashuapamakaniht maniteuat, ashuapamikuat kaiatussesshiniti tshe uitshikuht tanite tshe ituteht kie tshekuannu tshetshi tutahk ute tataui. Anitshenat maniteuat shatshuapatamuat nenu ekuashkuaitshenanunit nenua minishtikua e uauitakaniti. Mitshet tshekuan anite tshi tutakanu nete minishtikut mak mitshen tshekuan uapatakanit ekuannu uet passe maniteuat mitshetutshishkua uet taht tshetshi kassinu tshekuannu tutahk. Tshiuapatauat katshi kassinu anite uapatakaui tshekuannu, assinu eshinakuannit anite minishtikut kie nenu ashit aitunnu katshi nishtuapatakaui. Itutepanat nete assinu eka kushtikuannit anite etutenanunit. Eukuannu uet tshi tapishiniht anite assinu ka mitshiminakannit kie eshi-takuannit anite tshekuannu ka uenutishimakannit.



Neneni minishtikua nasht shapu-tshissenitamuat eshinakuani anitshenat epiht ute assinu eshinikatenit *Minganie*, nishtuapatamuat tipatshimunnu. Shatshuapatakanu anite, natshi-ashteieshkushinanu kie natshi-minuatakanu. Anitshenat epiht pessish minishtikut tutamuat tshekuannu eshi-minupanikuht mak nakatuapatamuat tshetshi nashatahk nenu utatusseunnu eshinakuannit nenua *Parcs Canada*. Nenu tshekuannu etutahk anite anu shutshipannu e tapishiniht anite assinu ka mitshiminakanit.

Neme natautshik tshekuan anite, ne anu ka kushtikuak tshetshi pikupanit, miam nete eka ka taht mishtikuak kie natakam, nakatuapatakanua, tshishpeuatakanua tshetshi eka nutshitakaniti anitshenat ut aianishkat tshe petuteht anutshish kie nanitam. Neme e takuak tshe ishi-takuaimatakanit tshe minuat tshekuan tshe tutakanit, minakanuat nenu maniteuaut tshetshi uapatahk, tshetshi minunahk nenu eshi-takuannit kie eshi-nitautshinnit anite minishtikut. Minu-nitautshina uapikuna kie anitshenat missipat minupuat. Neme tshekuan tekuak ka natshi-uapatakanit, uashashkutueutshuapa minuaa. Anitshenat epiht ute *Canada*-assit, tshi ituteuat anite assinu ka tshishpeuatakannit, tshishkutamuakannuat nenu tshekuannu eshi-takuannit kie nishtutamuat meshta-apatanniti nenua minishtikua. Anitshenat ka apiht ka mishaniti utenaua minu-nishtuapatamuat nenua minishtikua, katsi ituteht anite shash kie ma katsi uapatahk anite atusseu-katshitapatakannit.

Anitshenat innuat, ka uitshi-atussemakaniht auenitshenat kie anitshenat mamitshetuait ka itatusseht anite uitshiaushiuat niashataminiti nenua *Parcs Canada* utatusseunnu. Ne e uitshi-atussemitanut tapitin anite ka minupanitanut kie ka matinuemitunanut eshi-uapatakannit neme ua tshishpeuatakanit, ua tshishkutamuakaniht anitshenat tekushiniht, maniteuat tshekuannu tshe uapatahk. Mitshena neni atusseutshuapa, eukuan uet etatu minuanit nenu maniteuat uet minuatahk tekushinitau ute, itaunakanuat nete minishtikut, nipekuakanuat, ashamakanuat mak mitshennu tshekuannu etutahk anite kie tshe minuatahk.

## 4. Ne uetinakanit tshe ishi-takuaitshenanut

Ute tshekuan ua utitaikanit kie tshe ishi-pimutenanut tshetshi utitaikanit uauitakanu (tshe ishi-tshitutenanut tshetshi utitaikanit tshekuan) tshetshi minupanit neme ka ishi-uapatakanit neme atusseun tshe tutakanit nete assi ka mitshiminakanit, neni Ekuanitshiu-minishtikua tekuaki. Nishtina neni utitaikana tshipa takuana, ne tshipa ishi-pimutenanu mak peik<sup>u</sup> tshe ishi-takuaitshenanut tutakanipan.

## 4.1 Tshekuana ua utitaikaniti

### 4.1.1 Tshe minu-tapishinanut ashit anitshenat innuat

Ne assi ka mitshiminakanit, Ekuanitshiu-minishtikua tekuaki, takuannu anite utassiuau nish<sup>u</sup> innu-assia, anitshenat nutashukuaniunnuat mak ekuanitshiunnuat. Nenu utassiuau shashish anite pet ka taht, nenu eshinikatahk Nitassinan tatshitinnu anite minishtikut.

Tshika minu-tapishinanu anite etaht nutashukuaniunnuat mak ekuanitshiunnuat tshetshi minu-tshikanakutakanit ne innu-aitun mak neme e tshishpeuatakanit assi ka mitshiminakanit. E uitshi-atussemakaniht anitshenat etaht innu-assit, *Parcs Canada* tshika tutam<sup>u</sup> tshekuannu tshetshi pitukatakanniti nenua utshissenitamunuaa kie nenu utaitunua tshetshi minu-nishtuapatamunienanunit utinnu-aitunnuau. Mishta-pessish uitshi-atussemitanut ne *Parcs Canada* mak innuat tshika tshi minakanuat maniteuat tshekuannu tshe minuatahk e uapatahk, tshe tshishkutamakuht mak tshe nakatuenitakanit. Tshika tshi ashit pitutepanu shuniau kie atusseun, tshetshi atusseht epiht innu-assit. Neni atusseutshuapa tekuaki anite pessish tshipa tshi uitshi-atussemakanuat tshetshi tutakanit ne atusseun. Tshika ui apatenitakannu nenu innu-auassat tshetshi uitshiaushiht anite etussenanunit.



Antoine Malec mak Jocelyn Ispatao





### *Ua utitaikanit 1*

Tshetshi shutshikapautakanit kie mishituepanitakanit ne eshi-tapishinanut ashit nutashkuaniunnuat mak ekuanitshiunnuat.

#### **Nikan tshe tutakanit tshekuan**

1. E uitshi-atussemakaniht ka taht innu-assit, tshetshi tshimatakanit peik<sup>u</sup> mamuitun innuat tshe taht, tshe nakatuapatahk nenua mashinaikana tekuanniti, mekuat etusseshtakanniti. Neni atusseuna mishituepanitakanitau mak e mamunakaniht innuat tshetshi minituht aimunnu nenu tshekuannu eshuapatahk kie tshekuannu tshipa shapenitamuut tshetshi tutahk innu-assi<sup>1</sup>.
2. Aieshkushtakaniti aituna mamu innu-assia, aitananut anite ka mitshiminakanit assi tshetshi uapatiniakaniht innu-auassat.
3. Uitshi-atussemakaniht papeik<sup>u</sup> innu-assia, uitakanit mamu tshekuan tshipa tutakanu nete assit, tshetshi innu-aitinanut nete minishtikut, ne assi ka mitshiminakanit.

#### **Tshekuan tshipa ui tutakanu**

- Tshipa ui tshissenitakanu tan tshe ishi-tapuetatishunanut ashit neni innu-assia.
- Tshekuan tshika ui tutakanu nanishupipuna, ne *Parcs Canada* tshika tutam<sup>u</sup> ashit innu-auassa.
- Nishtutatun tshe uitshi-atussemitunanut neme ka aitatussenanut ueshkat, tshiashi-aituna, tshika tapuetatishunanu ashit papeik<sup>u</sup> innu-assia.

### *Ua utitaikanit 2*

E uitshi-atussemakaniht innuat ka utshiht Nutashkuanit kie Ekuanitshit, tshipa ui tutenan tshetshi mishituepanit neme shunia patutepanit kie menupanit inniun anite innu-assit, ne tekuak assi ka mitshiminakanit neni minishtikua.

#### **Nikan tshe tutakanit tshekuan**

1. Uitshi-atussemakaniht nenu ueshkuiht anitshenat ekuanitshiunnuat tshetshi menupanitaht mitshuapinu anite ka uapatiniuenanut kie ka tutakanit innu-aitun.

2. Tutakanit, ashit anitshenat ka uitshiaushiht papeik<sup>u</sup> innu-assia, ne atusseun tshe pitukatakanit neme tshe takuaki atusseuna innuat tshe atusseht, anite ka uitakanit tshekuannu tshipa ui ishi-pikutauat tshetshi katshitinak atusseunnu nete *Parcs Canada*, tshekuannu tshipa ishi-tshishkutamuakanuat mak tsheku-innuat tshipa pikutauat atusseht.

#### **Tshekuan tshipa ui tutakanu**

- Shash tshika shenakanu neme mitshuap innu-aitun ka uapatiniuenanut kie ka tutakanit.
- Shash tshika tutakanu atusseun tshetshi atusseuiakaniht ekuanitshiunnuat mak nutashkuaniunnuat.

### *Ua utitaikanit 3*

E uitshi-atussemakaniht anitshenat nutashkuaniunnuat mak ekuanitshiunnuat, tshipa ui tutakanu atusseuakana mak neme tshe ishi-tshishkutamatishuanut neme eshi-nishtuapatakanit, tshe matinuemitunanut mak tshe minunakutakanit eshi-takuak innu-aitun nete ka ishi-tapitik assi ka mitshiminakanit.

#### **Nikan tshe tutakanit tshekuan**

1. Natshi-patshitinakanit aimun kie minakaniht anitshenat innuat tshetshi aimiht, tshetshi uauitakannit eshinakuannit utatusseun ne *Parcs Canada* mak anitshenat innuat anite e takuaimatakanit anite eshi-takuak innu-aitun .
2. Tutakanit neme eshi-nishtuapatakanit assi eshinakuak nete minishtikut, eshi-uitamatshemakak tipatshimun e uitshi-atussemakaniht innu-assia.
3. E uitshi-atussemakaniht innu-assia, tshetshi tutakanit atusseun tshetshi tshikanakuak ne eshpitenitakuak eshikanuenitakannit innuat ka nametaht nete mishtameku-minishtik<sup>u</sup>. Ne atusseun e tutakanit tshika nukuan eshinakuak tshekuan ka mishkakanit nete assit, tshika nukuan e uenutishimakak mak tshe uitamakuak<sup>u</sup> tan tshipa ishi-pimutenan nete nikan tshe aitatusseiak<sup>u</sup> 2017-2021 tshe ishinakuak ne assi ka mitshiminakanit.
4. Tshetshi tutakanit anite atusseu-katshitapatakanit nete ka atusseshtakanit assi ka mitshiminakanit, tshetshi innu-assia tshitapatahk mak ennushtenit.

1 Aimun : Nenua innuat utipenitamuuaa apu tshika ut uauitakaniti netshishkatunanuti, tanite nete ka natapinanut mitshishuakanit nete eshinakuaki tshetshi uauitakaniti ashit ne tshishe-utshimau ka atussehtuat innua.



### **Tshekuan tshipa ui tutakanu**

- Tshika natshi-patshitinakanu aimun kie tshika aimuatakanu eshi-takuaimatakanit neme eshi-takuak innu-aitun nete innu-assit, peikuau enuet.
- Shash tshika tutakanu neme mashinaikan anite uatakanit eshi-nishtuapatakanit neme tshiashi-tipatshimun anite uetshipanit.
- Neme atusseun ka ui tshissenitakanit eshpitenitakuak kie ua tshikanakutakanit eshi-takuak tshekuan nete kanatuuakaitshenanut, ka ishi-mishkakanit innu ka nametat nete Mishtameku-minishtikut shash tshika tutakanu.
- Anite atusseu-katshitapatakanit nenu utatusseun tekuannit, ka mitshiminakanit assi tshika mishtikushiushteu, tshika akaneshaushteu mak tshika innushteu.

#### 4.1.2 Ne assi ka mitshiminakanit ka mishtanishtuapatakanit upime ait assit, akami-assit

Ne assi ka mitshiminakanit, neni Ekuanitshiu-minishtikua tekuaki, mishta-minuashu anite tshekuan natautshik kie tekuak anite itetshe aitun e uitakanit, tshetshi uapatiniuenanut kie matinuenuanut. Tauat anite aueshishat kie uapikuna ka nakatuapakaniti tshetshi eshk<sup>u</sup> takuaki nete aishkat, nishtuapatakanua neni passe, ute *Canada*-assit kie nutim eshpitashkamakat assi. Ui tutakanu tshetshi etatu mitshetiht maniteuat tekushiniht kie ui tutakanuat anitshenat emupihit tshetshi shapenitahk kie minuatahk tekushinitau. Mitshet tshekua tshika apashtakanua tshetshi tshissenitakanit tshekuan tshe tutakanit tshetshi natakaniht anitshenat maniteuat mak tshika mishkakanua atusseuakana iapashtakaniti tshetshi aieshkupinanut e papamishkananut.

Mitshet tshekua tshika tutakanua, tshekua kie tshe aitatussenanut tshetshi minakaniht maniteuat. Anitshenat innu-assit ka taht tshika uitshiaushiuat kie neni atusseutshuapa tekuaki anite utenassa tshika ishpitenitakanu neme ua kanuenitakanit neme eshi-takuak assit, eshi-nitautshik kie menushtet assi.

Ka mitshiminakanit assi tekuaki neni Ekuanitshiu-minishtikua, tshika ui mishkamuat tshekuannu tshe tutahk tshetshi takushinanunit ute, tshika tshissenitamuat tshe ishi-uauitahk ashit nenua ka atusseshtuakanniti maniteua. Tshika ui tutamuat tshetshi uauitakaniti minishtikua nete ait assit, atusseutshuapa tshika uitshikuat tshetshi nishtuapatamuniueht eshinakuannit assinu kie aituna anite tekuanniti, atusseuna etutakaniti kie eshi-minupannit anite tshekuannu etutakannit minishtikut.

Mitshet tshekua tshika apashtakanua tshetshi uauitakanit ne assi, tipatshimu-mashinaikana, aimu-mishtik<sup>u</sup>, katshitapatakanit kie neni ashit atusseu-katshitapatakanit ka pimipanitakanit aimun. Tshika ui minakanuat aimunnu anitshenat epiht ute *Canada*. Passe neni atusseuna tshika minakanuat nenu ka auassiuht kie anitshenat etahit nete ka mamishati utenaua, miam ne e metuenanut anite atusseu-katshitapatakanit. Ne kassinu tshekuan etutakanit tshetshi pimipanitakanit aimun, uitshiuue tshetshi nishtutakanit kie tshetshi pushipaniht auenitshenat anite etatussenit *Parcs Canada*.

### *Ua utitakanit 1*

Tshetshi etatu minushtakanit neme assi ka mitshiminakanit anite uapatiniuenanut, nete maniteuat etahit Uepishtikueiau-assit kie ma *Canada*-assit, mak tshetshi etatu takushiniht anite maniteuat ka shatshuapatahk assinu.

### **Nikan tshe tutakanit tshekuan**

1. Tshipa ui uitakanu kie tshissenitakanu tshekuannu tshipa uapatiniakanuat kie tshipa tutamuat anitshenat maniteuat tekushinitau, tshipa uitshiaushiuat anitshenat epiht pessish, tshipa apashtakanu neme ka unuipaniht mashinaikan ka natu-tshissenimakanit maniteuat kie atshitashuna.
2. Tshipa tutakanu kie apashtakanu tshishtakaniti neme atusseuakan tshe ishi-uauitakaniti minishtikua, tshipa uitshi-atusseuakanuat anitshenat maniteua etusseshtuait nete *Duplessis* ka taht, ne ashit atusseutshuap ishkuteu-uta eshuapakaniti, ne *Québec Maritime* ka ishinikatet mashinaikanitshuap mak anitshenat upime ute pessish atusseutshuapa kenuenitahk.

### **Tshekuan tshipa ui tutakanu**

- Anitshenat etashiht maniteuat tekushiniht tshika amatsheupanu 2% eshakumipipuna.
- Tshika tshissenitakanu tshekuan ua uapatiniuenanut kie shash tshika tshissenimakanuat tshekuannu tshe tutahk anitshenat maniteuat takushinitau.
- Shash tshika takuan mashinaikan tshe ashpatsishimuatsshenanut tshetshi minu-uauitakaniti neni minishtikua.
- Tshika minu-uauitakanu ne atusseun etutakanit eshakumipipuna.



## Ua utitalkanit 2

Tshetshi etatu minutakannit nenu tshekuannu tshe uapatahk anitshenat pekaht anite ut ishkuteu-utit mak tshetshi shaputuepanit e minu-uaueshtakanit neme atusseun kapapamishkashiht meshikataui anite ut Akami-assit.



Ka ashuapamakaniht maniteuat anite mitshuapit Pélagie-Cormier

© Pares Canada

### Nikan tshe tutakanit tshekuan

1. Anitshenat ka atusseshtuat maniteua tekushinniti tshipa uitshi-atusseமானuak kie anitshenat pessish etaht ka takaukuht nenu atusseunnu, tshipa uitshiaushinanu etauatshenanut menuat tshekuan mak e minu-uauitakanit neme pakuputshikan Uepimishkat mak neme ka mitshiminakanit assi anu menuat tshetshi nakauinanut, anitshenat ka tipenitahk ishkuteu-uta tshetshi uitamuakaniht.
2. Tshetshi uauetashtakaniti neni atusseuna tekuaki miam ne e minu-uauitakanit eshinakuak tshekuan, nemeni matshunisha eshi-kanuenitakaniti mak neni tshekuana tekuaki nete minishtikut kie anite assit utenat, ka apataki tshetshi ashuapamakaniht maniteuat meshikat anite ka mishaniti ishkuteu-uta.

### Tshekuan tshipa ui tutakanu

- Anitshenat etashiht ka papamishkashiht tekushiniht anite minishtikut etatu mitshetuat mak at neme pipun 2010.
- Anitshenat ka papamishkashiht ka ituteht nete minishtikut tshika minuenitamuak nenu ka ishi-uapatahk.

## Ua utitalkanit 3

Tshetshi kau tutakanit ka aitinanut (ka ishi-uapatiniuenanut) kie tshekuan ka patshitinakanit mak tshetshi etatu kutakanu tutahk anitshenat tshe natshi-maniteuht kie tshe tshishkutamashuht anite tshekuannu tshe uapatahk anite eka kueshtikuannit tshe ituteht minishtikut.

### Nikan tshe tutakanit tshekuan

1. E minutakanit nete peik<sup>u</sup> minishtikut tshetshi minuanit anitshenat maniteuat anite tshe papamuteht kie tshetshi minuat e tetipueshkakanit ne minishtik<sup>u</sup>.

2. Etatu tshekuannu minakanit tshetshi tutak ne maniteu tshe takushinit, kau e uaueshi-tshitapatakanit ne tshekuan ka tutakanit, ka ishi-uapatiniuenanut.
3. Uitshi-atusseமானuak anitshenat ishkuteu-uta kenuenitahk, tshetshi minuataminiti nenua maniteuat etaunataui nete minishtikut.
4. E uaueshi-tshitapatakanit nete tshipa tshi nipananu nete minishtikut, tshetshi etatu mitshek anite tshe nipananut.
5. Tshetshi etatu minutakanit anite eshi-tshitutakanit maniteuat nete minishtikut (mashinaikan tshe aitatussenanut itutenanut, e uapatiniuenanut eshinakuaki minishtikua, anite atusseu-katshitapatakanit enukutakanit) tshetshi minuatahk maniteuat tekushiniht e shatshuapatahk minishtikua kie nenua assia pessish tekuanniti, tshetshi shapenitahk ute tataui.
6. E tutakaniti atusseuakana tshe apashtaht maniteuat tekushinitau, neni ussi-tshekua apashtakanitau (mate: ka takunikanit tshekuan ka uapatiniuet anite etutenanut, ka uitamatshemakak anite etananut, mak kutak tshekuan metueun ka ishinikatet *géocachette*).
7. Anitshenat ashit ka uitshi-atusseமானuak pessish etaht, tshetshi tutakaniti tshekuaana tshe aiaht maniteuat tshetshi tshiuetatat katshi takushiniht ute minishtikua tekuanni ka minuashiniti.

### Tshekuan tshipa ui tutakanu

- 90 % etashiht anitshenat maniteuat tshika minuatamuak natshi-mupitau.
- Tshipa itashuat, 60 % maniteuat tshika uitamuak nishuapatakaui nenu eshinakuannit eshi-kanuenitakannit tshekuannu.
- Tshipa itashuat, 85 % maniteuat tshika itenitamuak nenu assinu miam eshpitenitakuannit.
- Anitshenat maniteuat tshika minuenitamuak  $\geq 85$  % nenu tshe ishi-uauetashuapatakanit tshe aitiht natshi-maniteutau.
- Tshika tutakanu anite tshe pimuteht anitshenat maniteuat ua tetipeueht nenua minishtikua.
- Tshika natu-tshissenitakanu tan tshipa ishi-nipekuakanu anitshenat maniteuat anite minishtikut.
- Tshika tutakanu ne atusseuakan tshe apashtakanit tshetshi nanatu-mishkamashut auen e peikussit tshe apashtat.
- Maniteuat tshika tshi aiauat ussi-tshekuaana tshe kanuenitahk kie menuanit.



#### *Ua utitalkanit 4*

Tshetshi nishtuapatakanit ne assi ka mitshiminakanit minishtikua tekuaki anite mishtikushit kassinu anite etaht anite e aitasusseht, nete ukatshishkutamatsheutsuapuat kie utassiuat.

#### **Nikan tshe tutakanit tshekuan**

1. Kau tshipa uauetashtakanu atusseu-katshitapatakanit etashtet kie enukuak, tshetshi etatu nishtuapatakanit eshi-takuak ute assit kie tshekuan tshipa natshi-uapatakanu.
2. Tshipa mishituepanitakanua neni eshi-takuaki atusseuakana kie tshekuan etutakanit tshetshi tshishkutamuakaniht auenitshenat nenua minishtikua tekuaniti, kassinu auenitshenat ui katshitauakaniht kie anitshenat ka uitshi-atussemakaniht (mate: tshetshi tshishkutamuaushunanut anite atusseu-katshitapatakanit, e innu-tshishkutamuakaniht, e tutakaniti akuashkuaikana anite tshe uauitakanit tshekuan e nukutakanit).
3. Tshipa pimipanitakanua neni tipashimuna mak tshipa uapatiniuenanua neni tshekuana ka minuati kie nenu eshi-pikutaht auenitshenat etaht nete minishtikut, anite tipatshimu-mashinaikanit mak nutim auenitshenat ua tshissenitahk.
4. Tshipa ui natakanuat anitshenat utenat ka taht, anitshenat etusseht atusseutshuapit, tipan auen ka kanuenitahk uetshit utatusseutshuap tshetshi uitshi-atussemakaniht kie ma kutaka assia ka mitshiminakaniti mak anite assit ka mishta-aishpanit tipatshimun nete tiapitiki *Parcs Canada*.

#### **Tshekuan tshipa ui tutakanu**

- Nemenu utatusseun enukuannit eshinakuannit anite atusseu-katshitapatakanit, anu etatu auennua tshika shatshuapataminua mak at neme pipun 2010.
- Katshi nanishupipuniti, tshika takuan ussi-atusseun tshe tutakanit tshetshi tshishkutamatshenanut, tshe minakaniht auenitshenat tshetshi tutahk.
- Peikuu katshi nanishtupishimua, tshika patshitinakanu peik<sup>u</sup> tipatshimun tshetshi tshissenitahk auenitshenat, nete tipatshimu-mashinaikanit, aimu-mishtikut kie ma katshitapatakanit.
- Ne assi ka mitshiminakanit tshika takuan anite ka akuashkuaishenanut kie ma anite ka pimipanitakanit aimun nete upime, nete utenaua ka mamishaniti nikan eshtat *Parcs Canada* (Munianit, *Toronto* mak *Vancouver*).

#### *Ua utitalkanit 5*

E minushtakanit ne assi ka mitshiminakanit, neni minishtikua, miam assi ka mishta-nakatuapatakanit eshinakuak, eshi-nitautshik anite tshekuan mak ka minuati assi.

#### **Nikan tshe tutakanit tshekuan**

1. Tshipa minushtakanu neme mashinaikan ne e nakatuapatakanit assi tshetshi ma minu-nitautshik tshekuan kie ma minushtet eshi-takuak.
2. Tshipa tshishpeuatakanuat kie nukuiakanut anitshenat aueshishat kie ma uapikuna ka kushtikuaki tshetshi meshtipaniti anitshenat ka uitshi-atussemakaniht pessish auenitshenat etaht nete minishtikua tekuanniti, nutim eshpishat ume assi *Canada* kie ma ait assit.
3. Tshipa ui uapatiniuenanua tshekuan ka minupanit nete minishtikua tekuaki anite ka natakanit tshissenitamun mak ka tshishpeuatakaniti tshekuana ka nitautshiki anite kie ka taht pineshuat.

#### **Tshekuan tshipa ui tutakanu**

- Neme atusseun ka nakatuapatakanit assi tshetshi ma minushtekue, tshima minu-nitautshik tshekuan kie minupihit aueshishat.
- Katshi nanishupipuki, peik<sup>u</sup> anite tshekuan tekuak minishtikut ka meshtipanit kie ma aueshish ka kushtikushit tshetshi eka tat, tshika tshishkutamatsheuatshenanu kie ma tshika patshitinakanu aimun.
- Tshika tutakanu tshekuan tshetshi manatshitakanit neme uapikun ka kushtikuak tshetshi eka nitautshik miam ne eshnikatet *chardon de Mingan*.
- Anite ut assi ka mitshiminakanit tshika uitshiaushinanu tshetshi minu-uauinakanit teshtipishish ka ishi-uinakanit ashit *rufa*.
- Peik<sup>u</sup> tshekuan papeikupipuna tutakanniti, tshika tshi uitshiuu tshetshi nishtuapatakannit ne assi ka mitshiminakanit neme uauitakanit e kanuenitakanit eshi-takuak tshekuan assit.



#### 4.1.3 Ka ashineuatshenanut ne assi ka mitshiminakanit tshetshi eka nutshitakanit

Anitshenat epiht anite *Minganie* eshinikatenit mishta-minuatamuat nenua Ekuanitshiu-minishtikua kie miam uitshuat etataui etenitahk. Mishta-minuau ne eshinakuak, tshika uitshikuat nenu tshetshi utitaikau nenu ka ui kanuenitahk, ka ui tshishkutamashuatsheht kie tshe aitatusseniti maniteua.



Ka ashupatakaniti papamishkau-uta ait-assi uetshipaniti

© Parks Canada

Neme e minunakutakaniti uashashkutueutshuapa kie tekuaki neni innu-aituna mak utaitunuaua ka apiht anite tshuetinit-mamit uitshiuue ashit tshetshi katshitauakanit anitshenat epiht anite pessish. Innuat meshta-uitshiaushiht kie atusseutshuapa ka uitshi-atussemakaniht mishta-apatant tshetshi patshitinakanit tshekuan anite menuat, tshetshi minupannit nenu tshe aitatusseht maniteuat miam ka ishi-pakushenitahk. E uitshi-atussemakaniht auenitshenat epiht anite pessish, *Parcs Canada* tshika tutam<sup>u</sup> tshekuaana tshe minaht nenua pessish epiniti anite minishtikua tekuanniti. Tshika ushkuinanu tshetshi minu-tshikanakuannit nenu eshi-tapishiniht anitshenat epiht utenassit kie innu-assit nete minishtikut.

Tshika tutakanu tshe ishi-pimutenanut tshetshi minakaniht aimunnu utenassit kie innu-assit epiht nenu eshpanniti atusseua ka tutakanniti kie tanite etananut. *Parcs Canada* tshika uishameu auennua tshetshi uitshiaushiniti nenu tsheshpeuatakannit assinu kie tshetshi uitshaushiniti shetshen e tutakannit tshekuanu. Tshika tshishkutamuakanuat ashit kie tshika uauitamuakanuat eshinakuanniti nenua minishtikua, tshika ui katshitaueu nenua ka auassiunniti.

Ne mamuitun ka nashatak atusseunnu etutakannit anite assia ka tshishpeuatakanniti tshika shaputuepanu etutak atusseunnu nete e takuaimatakannit assinu ka tshishpeuatakannit. Tshika uitshieu nenua etusseniti tshetshi tshissenitaminiti eshinakuannit atusseunnu etutakannit kie eshinakuannit nete *Parcs Canada*. Ne mamuitun tshika tshi tutam<sup>u</sup> tshetshi mishkutshipannit nenu aimunnu ka utinakannit. Ne eshinakuak atusseun tshika uitshikuat anitshenat etuteht nete minishtikut tshetshi minuatahk kie etatu shutshipannit etenitahk nenua minishtikua. Tshika uitshiku ashit ne *Parcs Canada* tshetshi natuenitamuat nenua tshetshi uitshikut etutak utatusseun anite assit.

#### Ua utitaikanit 1

Tshetshi tutuakaniht anitshenat epiht ute *Minganie* miam anitshenat ka nitau-uauitahk eshinakuanniti minishtikua.

#### Nikan tshe tutakanit tshekuan

1. Tshipa tutakanua atusseuakana tshetshi pimutakanit aimun, tshetshi uitamuakaniht anitshenat epiht pessish tekuaki minishtikua eshpannit e aitatussenanunit (mate : eshi-nanatuapatitshenanut, tshekuan e tutakanit), tshetshi uitamuakaniht tshekuanu ka tutakannit mak tshekuan eshpanit anite minishtikut ne assi e takaikanit.
2. Tshipa tutakanu maniteuat tshe ishi-tshishkutamuakaniht, tshekuanu tshe uapatiniakaniht mak tshekuanu tsheshpeuatakannit tshe uapatahk auassat. Ka uitshi-atussemakaniht tshipa uitshiaushiuat (mate : katshishkutamatsheutshuapa tshipa shatshuapakanua, e tshishkutamuakaniht auen tshetshi kutikunit, e naikakanit anite nashipetimit).
3. Tshetshi tananut nete mietuenanuti nete pessish tekuaki minishtikua (Mate : mietuenanuti, tshessinuatshitakaniti tshekuan) e tutakanit tshekuan nete etananut kie nete passe minishtikut kie ma uatshiaushinanu kie aiatakanu atusseun etutakanit.
4. E tutuakaniht passe utenassa kie innu-assia tshetshi tutahk shetshen tshekuanu nenu e aitatussenanuti.
5. Utenassit kie innu-assit etaht auenitshenat, tshipa tutakanu tshekuan e uapatiniuenanuti aituna, unuitimit tshekuan etutakanit kie ma e metuenanut (mate : e nikamunanut, e natu-tshissenitakaniti eshinikateti uapikuna, e matau-pikutakanit, e tutakanit tshekuan ashit anitshenat ka nishtuapamaht eshinakushiniti aueshisha kie uapikuna, e papamishkananut nete shipekut).
6. Tshetshi nanitam atusseht anitshenat ka tshimanakaniht mamuitunit, anitshenat tshe nashatak atusseunnu.



### **Tshekuan tshipa ui tutakanu**

- Tshika mishkakanu tshe ishi-pimipanitakanit aimun tshe patshitinakanit nete innu-assit.
- Nanishupipuna, tshika minakanuat tshekuannu tshe tutahk anitshenat e auassiuht.
- *Parcs Canada* tshika ui ituteu tshekuannu tutakanniti nete pessish tekuanniti minishtikua, papeikupipuna.
- Tshika tutakanu tshekuan shetshen tshe atusseht auenitshenat nanishupipuna.
- Peikuuu tshekuan etutakanit aitun e atusseshtakanit, e aiatshinanut kie ma unuitimit tshekuan etutakanit papeikupipuna.
- Nishuau papeikupipuna tshika natshishkatuat anitshenat ka taht mamuitunit ka nashatak eshpannit atusseunnu.
- Tshika uitshi-atussemakaniht anitshenat etusseht utenassit pessish kie ma e mitsheki utenassa tshika nishtutatanu.

### *Ua utitakin 2*

Anitshenat ka uitshiaushit ka taht anite pessish tekuaki utenassa kie innu-assia, tshetshi etatu nishtuapatakanit kie tshetshi etatu nukutakanit ne eshi-takuak aitun nete minishtikut.

### **Nikan tshe tutakanit tshekuan**

1. Tshipa shaputuepannanu e uauetinanakiti kie e nukutakaniti neni uashashkutueutshuapa (Uuepitsu-minishtik<sup>u</sup> mak Utshishtuneshekat-minishtik<sup>u</sup>) mak e shenakaniti kie minu-uauitakaniti, tshipa uitshiaushiat anitshenat ka uitshi-atussemakaniht pessish etaht.
2. Tshetshi aimitunanut ashit innuat etaht kie anitshenat ka uitshi-atussemakaniht tshetshi tshissenitakanit tshekuan tshipa nukutakanu anite menuat aitun nete minishtikut tekuaki.

### **Tshekuan tshipa ui tutakanu**

- Shash tshika tshishtakanua e uaueshtakaniti uashashkutueutshuapa miam ka ishi-natuenitakanit tshetshi ishi-uaueshtakaniti.
- Ne eshpitenitakaniti tshekuan anite itetshe aitun tshika uitakanua.

### 4.1.4 Takuan tshe ishi-takuaitshenanut e apatenitakanit ne eshinakuak assi tekuak mamit

*Parcs Canada* nenu anu nashatam<sup>u</sup> ka kukuetshimunanunit mishue anite assia tekuaniti tshetshi minunakutat kie tshishpeuatak nenua minishtikua tekuaniti nete mamit. Eukuannu nenu *Parcs Canada* tshe ut tutak atusseunnu anite tshe atussenanunit mamuitun ka mishituepanitakannit tshekuannu nete mamit. Ne mamuitun, ka takuaimatak ne *MRC* nete *Minganie*, tshika tauat anitshenat nutashkuaniunnuat, anitshenat epiht Piashtipeu, Akuanissit, Nutashkuan, anitshenat etusseht anite atusseutshuapit ka mishituepanitakannit tshekuannu, mamuitun *Zip Côte-Nord du Golfe* mak ne ka nakatuapamat aueshisha. Tshika ui tutamuat nenu eshi-uapatakannit peikuuait mak tan tshe tutakannit tshetshi nakatuapatakannit assinu, aitunnu mak tshe tshishkutamuakaniti auennua kie tshekuannu tshe itatusseniti maniteua nete mamit, itetshe *Minganie*.

*Parcs Canada* tshika tau anite uitakanitau atusseuna tshe ishinakuanniti kie tshe mishituepanitakannit tshekuannu tshetshi etatu shapenitahk maniteuat tshetshi shatshuapatak nenu assinu eshinakuannit kie nenua minishtikua kie minishtikussa anite itetshe tekuaki *Minganie*, mak tshetshi natu-tshissenitahk nenu assinu eshinakuannit, eshi-nitautshinnit kie eshi-takuanniti aituna anite itetshe assit.

Anite etatussenanut mamuitunit ka mishituepanitakannit tshekuannu anite mamit itetshe, *Parcs Canada* uin tshika takuaimatam<sup>u</sup> nenua atusseuna tutakanitau anite minishtikua kie minishtikussa atusseshtakanitau tekuaki anite assit. Neni atusseuna tshika tshitapakanua nete mamuitunit tshe ut tapuetakaniti. Ishinakaniti, tshika tapuetam<sup>u</sup> tshetshi tutakanniti ne *Parcs Canada*, nenua atusseuna tshe tutakanniti nete utenassit kie atusseutshuapit. Eukuannu, tshika takuana atusseuna tshe tutakaniti mamu tshe atusseshtakaniti, tshe tshikanakutakaniti neni eshinakuaki minishtikua kie minishtikussa tekuaki mamit nete itetshe uinipekut.

Ne uet itatussenanut tshetshi uitshiaushinanut neme e mishituepanitakanit kie mitshetuuait aishinakuak neme tshekuan tshe patshitinakanit ute tshiuetinit-mamit mak ashit tshetshi itutenanut ute mamit, tshetshi takushiniht maniteuat ka mashkatenitakuannit tshekuannu ua uapatak e ishpitenitakannit eshi-nitautshinnit assit. Ne etatusseshtakanit neme ua minunakutakanit mamit eshinakuak, tshika ui minutakanua nemeni eshi-nishtuapatakanniti tshekuanua tekuaki anite assit kie neni aituna. Tshika tshi tshissenitakanu tshekuannu tshe tutahk maniteuat, eka kushtikuannit kie e apatenitakannit neme eshinakuak assi.




**Ka mitshiminakanit assi ute tshiuetinit-mamit *Canada* Anite tekuaki neni Ekuanitshiu-minishtikua**

**Nete itetshe matamit**



**Nete itetshe mamit**









## Ua utitaikanit 1

Uitshi-atussemakanuat, nutashkuaniunnuat kie ne mamuitun ka tat tshetshi mishituepanitat eshinakuannit nete mamit, tshetshi takuak neme peikuait eshi-uapatakanit mak atusseun tshe tutakanit tshetshi tshishpeuatakanit eshi-takuak kie eshi-nitautshik mak aitun, tshe ishi-tshishkutamuakaniht auenitshenat kie tshe mupiht auenitshenat nete mamit.

### Nikan tshe tutakanit tshekuan

1. Tshipa ui tshissenitakanu neme eshi-uapatakanit kie tshekuan ua utitaikanit nete ua mishituepanitakanit mamit itetshe e uitshi-atussemakaniht innuat mak mamuitun ka mishituepanitat eshinakuannit ute mamit.
2. Tshe tutakanit neme tshe itatussenanut patetat-tatupipuna e uitshi-atussemakaniht innuat mak mamuitun ka mishituepanitat eshinakuannit ute mamit.
3. E mashinataikaniti neni eshi-nishtuapatakaniti minishtikua mak minishtikuassa tekuaki mamit (mate: eshi-nitautshik anite tshekuan, eshinakuaki aituna, eshpishat neme assi, eshinakuak assi, tshe itutenanut, tshekuan anite tekuak, eshi-nakashinanut) tshetshi natu-tshissenitakanit neme tshipa ishi-takuaitshenanut mak tshetshi nikan ashtakanit neme tshekuan ua kanuenitakanit, ua tshishkutamatshenanut mak tshekuannu tshe uapatak ne maniteu tekushiniti.
4. E tshissenimakaniht anitshenat tsheku-maniteuat tshipa itenitakushuat tshetshi natshi-mupiht nete mamit e uitshi-atussemakaniht innuat mak mamuitun ka mishituepanitat eshinakuannit ute mamit.
5. Tshe uitakaniti nemi tshekuana tshipa minuaua shatshuapatakaniti mak neni atusseuna tshipa tutakanua e nashatakanit neme ka ui utitaikanit tshekuan e uitshi-atussemakaniht innuat mak mamuitun ka mishituepanitat eshinakuannit ute mamit.
6. Uitshiaushinanut tshetshi tshitshipananuti neni atusseuna ka uitakaniti tshetshi tutakaniti e uitshi-atussemakaniht innuat mak mamuitun ka mishituepanitat eshinakuannit ute mamit. (ka nanatuapatakanit shuniau, mak kutak tshekuan).
7. E minutakaniti kie mishituepanitakanit neme atusseun ka tutakanit tshetshi eka kushtikuannit anitshenat maniteuat takushinitau mak tshetshi ishpitenitakanit neme assi eshinakuak nete itetshe mamit.

### Tshekuan tshipa ui tutakanu

- Shash tshika tutakanu atusseun ka ishi-uapatakanit kie tshekuan ua tutakanit nete mamit.
- Tshika takuan mashinaikan tshe uitakanit tshekuan ka tutakanit.
- Tshika mashinataitakanu shash ne eshi-kanuenitakanit tshekuan nete mamit.
- Tshika tutakanu atusseun tshe uauitakanit tshe ishi-nakatuenitakanit tshekuan tshetshi eka kushtikuak anite etutenanuti minishtikut.
- Mamu tshika uitshi-atussemitunanu ashit mitshet atusseutshuapa tshetshi mishituepanitakanit atusseun tshe tutakanit nete mamit.

## 4.2 Tshekuan kau tshe tutakanit eshakuma

Anite etusseshtakanit assi ka mitshiminakanit eshakumipipuna, mitshet tshekuana kau tutakanua, e takuaimatakaniti ne etananut kie tshekuan ua utitaikanit. Neni tshekuana kaukau etutakaniti eukuan uet tshi utitaikanit nemi tshekuana ka ui tutakaniti kie ua tshishtapanitakaniti nete shash ka ishi-mashinataikanit. Nemi tshekuana tekuaki, neni takuana mate :

- Neme tshe tutakanit atusseun tshetshi nashatakanit takuaikanit *neni assia ka mitshiminakaniti ute Canada* mak nemi kutaka takuaikana eshi-nakatuapatakaniti miam nemenu tshekuannu ua utitaiki ne *Parcs Canada*, miam neme *Takuaikan anitshenat ka tshitapamakaniht aeshishat kie ma uapikuna ka kushtikuaki tshetshi meshtitakaniti* kie ma neme *Takuaikan ka tutakanit 1994 neme ka tapuetatunanut anitshenat missipat e uinakanit*.
- Neme tshe uitshiaushinanut tshetshi minunakutakanit, tshetshi mitshiminakanit kie tshetshi kau tutakanit tshetshi taht kie takuaki neni ka kushtikuaki tshetshi meshtipani, anitshenat tshishe-utshimauat uitshiaushiht.
- Tshetshi nanitam natu-tshissenitakaniti tshe aitapashtaht maniteuat mak tan tshe ishi-minuatahk nenu tshekuannu tshe minakanit.
- Tshetshi eshk<sup>u</sup> takuaki neni tshekuana e minuati mak eshi-patshitanakanit tshekuan, miam anite pemutenanut, pakupeutshikana kie anite kuetikuninanut.
- Tshetshi takuak anite tshe aitatussenanut, miam neme tshe shatshuapatakanit ashit auen tshe uauitak eshinakuannit mak tshetshi takuak tshekuan tshe apashtakanit auen peikuteshiti.



- Tshetshi nakatuapatakanit neme nekuakanitshenanuti nete ka manukashunanut.
- Tshetshi minushtakanit tshe ishi-nakatuapamakanieht auentishenat tshetshi eka natau itiht, tshetshi nakatuapatakanit tshetshi eka tshekuan ishpanit nete asit kie tshe ishi-pitukatakanit neme takuaikan tekuak.
- Aitun kie aimun tshe pimutatakanit tshetshi uauitakanit neme tshe ishi-nakatuapatakanit nete minishtikut (eshi-nakatuapatakanit, eshi-uauitamuakaniht maniteuat, mak kutak tshekuan).

## 5. Tshipa itatussenanu kie tshekuan nikan tshe ashtakanit

Tshika mashinateu anite takuaikan-mashinaikanit tshe ishi-takuaitsheenanut anite assit ka mitshiminakanit nete ishpish patetat-tatupipuna nikan. Ute etananut, nukutakanu tshipa ishinakuan atusseun tshe tutakanit kie tshekuan nikan tshe ashtakanit anite tshekuan ua utitaikanit kie tshekuan ua tutakanit miam shash ka ishi-uauitakanit.

### Tshipa itatussenanu 1 : E nukuak tipan eshi-tapishinanut ashit innuat.

#### Ua utitaikanit 1 : E shutshikapautakanit kie mishituepanitakanit ne eshi-tapishinanut ashit nutashkuaniinnuat mak ekuanitshiinnuat.

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. E uitshiaushiht anitshenat nish <sup>u</sup> innu-assia, tshipa tshimatakanu peik <sup>u</sup> atusseu-mamuitun, innuat tshe taht tshetshi nashatakanit neme atusseun tekuak, tshetshi mishituepanitakaniti atusseuna, neme e mamuitunanut kie ashu-matinuemitunanut. Miam nemenu eshuapatahk kie tshekuannu tshe kanieuh <sup>t</sup> innu-assit etaht nete e tapishinanut minishtikua ka mitshiminakaniti.	x	x	x	x	x
2. Tshipa ui tutakanu tshekuan nete minishtikut, tshetshi uitshiaushinanut nete ut innu-assit tutakaniti tshekuan, anitshenat innu-auassat tutamuakaniht.	x		x		x
3. E uitshi-atussemakaniht etaht nete papeik <sup>u</sup> innu-assit, tshipa ui uitakanu tshekuan tshe tutakanit tshetshi innu-aitun takuak nete assit, nete minishtikut, assi ka mitshiminakanit.			x	x	x

#### Ua utitaikanit 2 : E uitshi-atussemakaniht nutashkuaniinnuat kie ekuanitshiinnuat, tshetshi mishituepanitakanit innu-assit ne eshpish pitukatakanit shuniau kie ne eshi-uitshiuenanut, nemeni minishtikua tekuaki, assi ka mitshiminakanit tshetshi eka nutshitakanit.

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshetshi uitshiakaniht ekuanitshiinnuat nenu mitshuapinu e tshimataht anite innu-aitun tshe uapatiniuenanut.	x	x	x		
2. Tshetshi tutakanit, ashit papeik <sup>u</sup> innu-assia e uitshiaushiht, nemenu tshe ishi-pitukaniht innuat nete atusseuna tekuanniti, eshinakuannit innuat tshetshi tutahk, anite tshe uitakannit tshekuannu tshe ui pikutaht tshetshi atusseht nete <i>Parcs Canada</i> , tshekuannu tshipa tshishkutamuakanuat innuat tshetshi atusseht.		x	x	x	x



**Ua utitaikanit 3 : E uitshi-atussemakaniht nutashkuaniunuat mak ekuanitshiunuat, tshetshi tutakaniti atusseaukana mak tshetshi ashit takuak tshe ashu-patshitinakanit ne eshi-nishtuapatakanit, e matinuemitunanut mak e nukutakannit eshi-kanuenitashuht innuat miam nete tiapitik nenu tshekuannu ua utitaik ne assi ka mitshiminakanit.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshipa natshi-patshitinakanu aimun nete innu-assit kie tshetshi aimitunanut, tshetshi uauitakannit nenu eshinakuannit utatusseun ne <i>Parcs Canada</i> mak anitshenat innuat nete e takuaimatakannit nenu eshi-kanuenitashunanut anite innu-aitunit.		x	x		
2. Tshipa uauitakannu nenu eshi-nishtuapatahk innuat nete shashish ka ishinniunanunit nete minishtikut, anite assi kenuenitakanit tshetshi eka nutshitakanit.		x	x		
3. Anitshenat innu-assit etaht uitshiaushiht, tshipa natu-tshissenitakanu eshi-takuak tshekuan nete mishtameku-minishtikut, tshekuan ka munaikanit nete atamit assit, ka natuauakaisseenanut. Tshipa natu-tshissenitakanu eshpanit anite ka natuauakaisseenanut, tshika ui tshissenitakanu eshinakuak kie tan tshe aitatusseenanunit neme kutak atusseun tshe ishinakuak tutakaniti neme 2017-2021, anite assit ka mitshiminakanit.			x	x	
4. Tshipa tutakanu anite atusseau-katshitapatakanit eshinakuak neme assi ka mitshiminakanit, innuat, e uinakanit mak ennushtet.			x	x	

**Tshipa itatussenanu 2 : Ne assi ka mitshiminakanit mishue anite ka nishtuapatakanit ute tshitassinat kie nete ait aissit, Akamassit**

**Ua utitaikanit 1 : Tshetshi minu-uitakanit eshinakuaki minishtikua, tshekuan anite uipatiniuenanut tshetshi tshissenitahk anitshenat pessish etaht, anite epiht Uepishtikueiau-assinu kie ma nutim eshpishat *Canada*, tshetshi kanapua etatu mitshetihit maniteuat tshe shatshuapatahk.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshipa uitakanu kie tshissenitakanu tanite kie tshekuan tshe ui katshitaikanit tshetshi uapatiniakaniht maniteuat, tshetshi uitshiaushiht anitshenat ka uitshi-atussemakaniht anite pessish etaht, neme ka unuipaniht ka natu-tshissenitakanit eshi-takushiniht maniteuat tshetshi apashtakanit.	x	x			
2. Tshipa tutakanu kie apashtakanu shash neme tshe ishi-uapatiniuenanuti minishtikua, anitshenat tshe uitshiaushiht ka atusseshtuht maniteua, ka atusseshtahk maniteua anite tshe ituteniti ute tshiuetin kie mamit, anitshenat ishkuteu-uta ka mamishaniti ka ashuapatahk, ka atusseshtahk tekushinuti maniteua anite tekuaniti utenaua pessish shipekut mak kutakat ka uitshi-atussemakaniht ute pessish etaht.	x	x	x	x	x

**Ua utitaikanit 2 : Tshetshi etatu minutakannit nenu tshekuannu tshe uapatahk anitshenat pekaht anite ut ishkuteu-utit mak tshetshi shaputuepanit e minu-uaueshtakanit neme atusseun kapapamishkashiht meshikataui anite ut Akami-assit.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Anitshenat ka atusseshtuht maniteua tekushinuti tshipa uitshi-atussemakanuat kie anitshenat pessish etaht ka takaukuht nenu atusseunnu, tshipa uitshiaushinanu etauatshenanut menuat tshekuan mak e minu-uauitakanit neme pakupeutshikan Uepimishkat mak neme ka mitshiminakanit assi anu menuat tshetshi nakauinanut, anitshenat ka tipenitahk ishkuteu-uta tshetshi uitamuakaniht.	x	x	x	x	x
2. Tshetshi uauetinaniti neni atusseuna tekuaki miam ne e minu-uauitakanit eshinakuak tshekuan, nemeni matshunisha eshi-kanuenitakaniti mak neni tshekuana tekuaki nete minishtikut kie anite assit utenat, ka apataki tshetshi ashuapamakaniht maniteuat meshikaht anite ka mishaniti ishkuteu-uta.	x	x	x	x	x



**Ua utitaikanit 3 : Tshetshi kau tutakanit ka aitananut (ka ishi-uapatiniuenanut) kie tshekuan ka patshinakanit mak tshetshi etatu kutakanu tutaht anitshenat tshe natshi-maniteuht kie tshe tshishkutamatishuht anite tshekuannu tshe uapatahk eka kueshtikuannit anite tshe ituteht minishtikut.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. E minutakanit nete peik <sup>a</sup> minishtikut tshetshi minuanit anitshenat maniteuat anite tshe papamuteht kie tshetshi minuat e tetipueshkakanit ne minishtik <sup>a</sup> .			x	x	
2. Etatu tshekuannu minakanit tshetshi tutak ne maniteu tshe takushinit, kau e uaueshi-tshitapatakanit ne tshekuan ka tutakanit, ka ishi-uapatiniuenanut.	x	x	x	x	x
3. Uitshi-atussemakaniht anitshenat ishkuteu-uta kenuenitahk, tshetshi minuataminiti nenua maniteuat etaunataui nete minishtikut.	x	x	x	x	x
4. E uaueshi-tshitapatakanit nete tshipa tshi nipananu nete minishtikut, tshetshi etatu mitshek anite tshe nipananut.	x	x	x		
5. Tshetshi etatu minutakanit anite eshi-tshitutakaniht maniteuat nete minishtikut (mashinaikan tshe aitatussenanut itutenanuti, e uapatiniuenanuti eshinakuaki minishtikua, anite atusseu-katshitapatakanit enukutakanit) tshetshi minuatahk maniteuat tekushiniht e shatshuapatahk minishtikua kie nenua assia pessish tekuanniti, tshetshi shapenitahk ute tataui.		x	x		
6. E tutakaniti atusseuakana tshe apashtaht maniteuat tekushinitaui, neni ussi-tshekuana apashtakanitau (mate: ka takunikaniht tshekuan ka uapatiniuet anite etutenanut, ka uitamatshemakak anite etananut, mak kutak tshekuan ka ishinikatet <i>géocachette</i> ).			x	x	
7. Anitshenat ashit ka uitshi-atussemakaniht pessish etaht, tshetshi tutakaniti tshekuana tshe aiaht maniteuat tshetshi tshiuetataht katshi takushiniht ute minishtikua tekuaniti ka minuashiniti.				x	

**Ua utitaikanit 4 : Tshetshi nishtuapatakanit ne assi ka mitshiminakanit minishtikua *Canada* tekuaki anite mishtikushit kassinu anite etaht anite e aitasusseht, nete ukatshishkutamatshuapuat kie utassiat.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Kau tshipa uaueshi-tshitapatakanu atusseu-katshitapatakanit etashtet kie enukuak, tshetshi etatu nishtuapatakanit eshi-takuak ute assit kie tshekuan tshipa natshi-uapatakanu.	x	x			
2. Tshipa mishituepanitakanua neni eshi-takuaki atusseuakana kie tshekuan etutakanit tshetshi tshishkutamuakaniht auenitshenat nenua minishtikua tekuaniti, kassinu auenitshenat ui katshitauakanuat kie anitshenat ka uitshi-atussemakaniht (mate : tshetshi tshishkutamashunanut anite atusseu-katshitapatakanit, e innu-tshishkutamuakaniht, e tutakaniti akuashkuaikana anite tshe uauitakanit tshekuan e nukutakanit).	x		x		x
3. Tshipa pimipanitakanua neni tipatshimuna mak tshipa uapatiniuenanua neni tshekuana ka minuati kie nenu eshi-pikutahk auenitshenat etaht nete minishtikut, anite tipatshimu-mashinaikanit mak nutim auenitshenat ua tshissenitahk.	x	x	x	x	x
4. 4 Tshipa ui natakanuat anitshenat utenat ka taht, anitshenat etusseht atusseutshuapit, tipan auen ka kanuenitahk uetshit utatusseutshuap tshetshi uitshi-atussemakaniht kie ma kutaka assia ka mitshiminakaniti mak anite assit ka mishta-aishpanit tipatshimun nete tiapitiki <i>Parcs Canada</i> .		x		x	



**Ua utitaikanit 5 : E minushtakanit ne assi ka mitshiminakanit, neni minishtikua, miam assi ka mishta-nakatuapatakanit eshinakuak, eshi-nitautshik anite tshekuan mak ka minuut assi.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshipa minushtakanu neme mashinaikan ka nakatuapatakanit assi tshetshi ma minu-nitautshik tshekuan kie ma minushtet eshi-takuak.	x	x	x	x	x
2. Tshipa tshishpeuatakanuat kie tshipa nukuiakanuat anitshenat aueshishat kie ma uapikuna ka kushtikuaki tshetshi meshtipaniti (mate : aiapanishat, uapikuna ka ishinikateti <i>chardon de Mingan</i> ) mak anitshenat ka uitshi-atussemakaniht pessish auenitshenat etaht nete minishtikua tekuanniti, nutim eshpishat ume assi <i>Canada</i> kie ma ait assit.	x	x	x	x	x
3. Tshipa ui uapatiniuenanu tshekuan ka minupanit nete minishtikua tekuaki anite ka natakanit tshissenitamun mak ka tshishpeuatakaniti tshekuana ka nitautshiki anite kie ka taht pineshuat.	x	x	x	x	x

**Tshipa itatussenanu 3 : Ka ashineuatshenanut ne assi ka mitshiminakanit ute tshuetinit-mamit tshetshi eka nutshitakanit**

**Ua utitaikanit 1 : Tshetshi tutuakaniht anitshenat epiht ute *Minganie* miam anitshenat ka nitau-uauitahk eshinakuanniti minishtikua.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshipa tutakanua atusseuakana tshetshi pmutatakanit aimun, tshetshi uitamuakaniht anitshenat epiht pessish tekuaki minishtikua eshpannit e aitatussenanunit (mate: eshi-nanatuapatitshenanut, tshekuan e tutakanit), tshetshi uitamuakaniht tshekuannu ka tutakannit mak tshekuan eshpanit anite minishtikut ne assi e takaikanit.	x	x	x	x	x
2. Tshipa tutakannu maniteuat tshe ishi-tshishkutamuakaniht, tshekuannu tshe uapatiniakaniht mak tshekuannu tsheshpeuatakanit tshe uapatahk auassat. Ka uitshi-atussemakaniht tshipa uitshiaushiuat (mate: katshishkutamatsheutshuapa tshipa shatshuapatakanua, e tshishkutamuakaniht auen tshetshi kutikunit, e naikakanit anite nashipetimit).	x		x		x
3. Tshetshi tananut nete mietuenanuti nete pessish tekuaki minishtikua (Mate : mietuenanuti, tshessinuatshitakaniti tshekuan) e tutakanit tshekuan nete etananut kie nete passe minishtikut kie ma uatshiaushinanuti kie aiatinakanuti atusseun etutakanit.	x	x	x	x	x
4. E tutuakaniht passe utenassa kie innu-assia tshetshi tutahk shetshen tshekuannu nenu e aitatussenanuti.		x		x	
5. Utenassit kie innu-assit etaht auenitshenat, tshipa tutakanu tshekuan e uapatiniuenanuti aituna, unuitimit tshekuan etutakanit kie ma e metuenanut (mate : e nikamunanut, e natu-tshissenitakaniti eshinikateti uapikuna, e matau-pikutakanit, e tutakanit tshekuan ashit anitshenat ka nishtuapamaht eshinakushiniti aueshisha kie uapikuna, e papamishkananut nete shipekut).	x	x	x	x	x
6. Tshetshi nanitam atusseht anitshenat ka tshimanakaniht mamuitunit, anitshenat tshe nashatahk atusseunnu.	x	x	x	x	x



**Ua utitaikanit 2 : Anitshenat ka uitshiaushiht ka taht anite pessish tekuaki utenassa kie innu-assia, tshetshi etatu nishtuapatakanit kie tshetshi etatu nukutakanit ne eshi-takuak aitun nete minishtikut.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshipa shaputuepannanu e uauetinakaniti kie e nukutakaniti neni uashashkutueutshuapa (Ueuepitsu-minishtik <sup>a</sup> mak Utshishtuneshekat-minishtik <sup>a</sup> ), e shenakaniti kie minu-uauitakaniti, tshipa uitshiaushiuat anitshenat ka uitshi-atussemakaniht pessish etaht.	x	x	x	x	x
2. Tshetshi aimitunanut ashit innuat etaht kie anitshenat ka uitshi-atussemakaniht tshetshi tshissenitakanit tshekuan tshipa nukutakanu anite menuat aitun nete minishtikua tekuaki.			x	x	

**Takuan tshe ishi-takuaitshenanut e apatenitakanit ne eshinakuak assi tekuak ute mamit**

**Ua utitaikanit 1 : Tshetshi takuak neme peikuaht eshi-uapatakanit mak atusseun tshe tutakanit tshetshi tshishpeutakanit eshi-takuak, tshe ishi-tshishkutamuakaniht auenitshenat kie tshe mupiht auenitshenat nete mamit.**

Tshekuan tshe tutakanit kie tshekuan nikan tshe ashtakanit nete papeikupipuna	1	2	3	4	5
1. Tshipa ui tshissenitakanu neme eshi-uapatakanit kie tshekuan ua utitaikanit nete ua mishituepanitakanit mamit itetshe e uitshi-atussemakaniht innuat mak mamuitun ka mishituepanitat eshinakuannit ute mamit.	x	x			
2. Tshe tutakanit neme tshe itatussenanut patetat-tatupipuna e uitshi-atussemakaniht innuat mak mamuitun ka mishituepanitat eshinakuannit ute mamit.	x	x	x		
3. E mashinataikaniti neni eshi-nishtuapatakaniti minishtikua mak minishtikuassa tekuaki mamit (mate: eshi-nitautshik anite tshekuan, eshinakuaki aituna, eshpishat neme assi, eshinakuak assi, tshe itutenanut, tshekuan anite tekuak, eshi-nakashinanut) tshetshi natu-tshissenitakanit neme tshipa ishi-takuaitshenanu mak tshetshi nikan ashtakanit neme tshekuan ua kanuenitakanit, ua tshishkutamatshenanut mak tshekuannu tshe uapatak ne maniteu tekushiniti.		x	x	x	
4. E tshissenimakaniht anitshenat tsheku-maniteuat tshipa itenitakushuat tshetshi natshi-mupiht nete mamit e uitshi-atussemakaniht innuat mak mamuitun ka mishituepanitat eshinakuannit ute mamit.	x	x			
5. Tshe uitakaniti nemeni tshekuana tshipa minuaua shatshuapatakaniti mak neni atusseuna tshipa tutakanua e nashatakanit neme ka ui utitaikanit tshekuan e uitshi-atussemakaniht innuat mak mamuitun ka mishituepanitat eshinakuannit ute mamit.	x	x	x		
6. Uitshiaushinanut tshetshi tshitshipananut neni atusseuna ka uitakaniti tshetshi tutakaniti e uitshi-atussemakaniht innuat mak mamuitun ka mishituepanitat eshinakuannit ute mamit. (ka nanatuapatakanit shuniau, mak kutak tshekuan).		x	x	x	x
7. E minutakaniti kie mishituepanitakanit neme atusseun ka tutakanit tshetshi eka kushtikuannit anitshenat maniteuat takushinitau mak tshetshi ishpitenitakanit neme assi eshinakuak nete itetshe mamit.		x	x	x	x



## 6. Eshi-tipaikanit ne assi

Neme assi ka mitshiminakanit katipanikanu eshinakuak kassinu auen e natakanit, kassinu tshekuan tshessenitakanit tshe tshishpeuatakanit miam nemeni eshi-takuaki aituna kie eshinakuak assi. Neme ashit tshitapatakanu tshekuannu tshe tutahk anitshenat maniteuat tshe natshi-mupiht. Ne eshi-tipaikanit assi ui apashtakanu tshetshi minu-takuaimatakanit mak tshipa tshi uetashtakanu e nakatuapatakanit neme neshtuapatakanit eshi-uenutishimakak anite tekuak tshekuan assit kie anitshenat maniteuat etaht.

Ne eshinakuak, eshi-tipaikanit assi minu-apashtakanu tshetshi minu-takuaimatakanit. Minu-uitakanu tanite eshi-punipanit ne assi ekue nakatuapatakanit tshekuan etutakanit nete assit.

*Parks Canada* apashtau nenu atusseuakanu, patetat tatuau ka katipanakanit assinu: ka kanuenitakanit assi ait ka ishinakuak, anite eka nita ka itutenanut, assi eka ka mamashitakanit, assi ka tananut, tshe ishi-uitshiakanit auen. Nishtina neni ka ishi-katipanakanit neni assia tekuaki, Ekanitshiu-minishtikua. Nemeni eshinakuaki assia, eshish nakatuapatakanit kie tan tshe itapashtakanit uauitakanua nete enat.



Nete itetshe mamit

© Parks Canada

## Neme eshi-tipanakanit assi 1 : Ka manatshitakanit assi ait ka ishinakuak

Ne eshi-tipanakanit assi, takuana anite assia eka ua nutshitakanit tshetshi eka pikunakanit anite etaht aueshishat, missipat kie ma natautshiki uapikuna. Neni tshekuana tekuaki ka kushtikuaki tshetshi meshtikaniti. Tshipa tshi ashit takuana anite assit ka mashkatenitakuak tshekuan eka uesh anite ait natautshik kie enukuak ka aitananut. Tshipa tshi minu-nakatuapatakanua neni assia, tshetshi eka auen itutet kie eka auen tiapuetuakanit tshetshi itutet. Neni utapana ka neukateti kie ma ka nishtukateti kie tshetshi tshimatakanit anite tshekuan nasht apu tapuetakanit.

Anite eshi-tipanakanit assi, eukuan neme tekuak kassinu eshishat neme Etuatinakau-minishtik<sup>u</sup>, tanite kushtikuan eshinakuak neme assi ka mushuat mak neni katshishapissiteshiti ka tutahk akamassiuashtikushuat. Neme ashit tetaut nete Ashkushipanan-minishtik<sup>u</sup> eukuan iapit eshi-uitakanit, tanite mishta-mitsheua uapikuna natamik<sup>u</sup> eishinakuaki kie shitu ishinakuan ne assi natautshik. Neme Mishtameku-minishtik<sup>u</sup>, ekute tshipa ishi-takuan kassinu tshekuan eshi-nitautshik, eshi-takuak tshekuan kie aueshishat mak missipat etaht. Nete katipanakanit assi 1 ishi-uitakanipan tshetshi nakatuapatakanit eshinakuak assi, tshetshi eka mishkutshipanit mak tshetshi atusseuatshenanut miam e natuapatitshenanut.

Mak mashten, passe minishtikua kie minishtikussa, mitshet neni apishanakashua mak apu tshekuan tshi itapashtakanit anite, nete katipanakanit assi 1 mashinataikanua, tanite ekute pineiauiht mitshet missipat kie etutahk utshishtunuaa. Nete itetshe minishtikussit eshinikateti Kukushi-minishtik<sup>u</sup>, *Rochers de granite (ashinia)*, Ushakatshiku-minishtik<sup>u</sup>, Mashkushiu-minishtik<sup>u</sup>, *île Herbée (minishtik<sup>u</sup> ka mashkushiut)*, Tshetshikuteshu-minishtik<sup>u</sup>, Innu-minishtik<sup>u</sup>, *île à Mouton (manatenish, Caye à Foin (minishtikussa ka ashiniuapishkati, ka mashkushiuti)*, Kakatshishipiniku-minishtik<sup>u</sup>.

## Neme eshi-tipanakanit assi 2 : Anite eka nita ka itutenanut

Anite ka tipanakanit assit, anitshenat maniteuat tshipa tshi uatapamuat eshi-kanuenitakanit aitunnu kie eshinakuannit assinu tutakau tshekuannu anite unuitimit mak ashit e nakatuapatakanit eshinakuak ne assi mak e tutakanit kie uauetinanait apishish anite assit. Nete itetshe etatu ka mishat assi, maniteuat tshipa tshi itamatshiuat miam e peikussitau kie mishta-katak<sup>u</sup> etataui, eka tshekuannu tekuannit anite etaht. Neme etatussenanut unuitimit tapuetakanua muk<sup>u</sup> apu tshika ut ui pikunakanit neme eshinakuak assi. Eukuan uet eka tapuetakanit tshetshi itutenanut kie apu tshi pimipaniti utapana. Kassinu neni tshekat etatiki minishtikua nete assi ka mitshiminakanit ishi-uitakanua anite eka nita ka itutenanut.



## Neme eshi-tipanakanit assi 3 : Assi eshk<sup>u</sup> etap ka ishinakuak

Neni assia eshinakuaki tshi tutakanu anite tshekuan, mishta-apishish e mishkutunakanit mishkut, passe tshekuana unuitimit ka tutakaniti. Tshipa tshimatakanua passe tshekuana mak kanapua tshipa nakatuenitakanu neme assi eshinakuak.

Neuna minishtikua tekuaki neme assi ka ishi-tipanakanit 3. Nete apitu tekuak ne Utshishtunishekau-minishtik<sup>u</sup> anite tekuaki mitshuapa anitshenat ka pimishkat uatshiakaniht, ekute eshi-tipanakanit ne assi, tanite eukuan tshipa tshi itapashtakanu. Nete e uashat anite tetaut tekuak ne Massishku-napaut-minishtik<sup>u</sup> tutakanipan anite tshe ashuapamakaniht maniteuat kie ishkuuteu-utat, tshipa tshi mitshishuat anite kie tshipa tshi papamuteuat.

Neme eshi-tipanakanit 3, mishta-apashtakanu ne assi. Ne eshinakuak assi nete itetshe upime takuan Ashkushipanan-minishtik<sup>u</sup>, anite pekaht mitshet maniteuat ka ui uapatahk ka minuashinit assinu kie neni ashinia ka mameshinaputeti, kie ne ka ishinikatakanit ashini Ishkueu ka tat Ashkushipanan-minishtikut.

Mak mashten, nete Ueuepitshu-minishtikut, nishuait anite takuana neni assia ka ishi-tipanakaniti 3, apishanakashu, nete itetshe tshiuetinit-mamit takuak, ekute tshematet mitshuap, ek<sup>u</sup> ne kutak nete akua-nutin itetshe, takuan anite uashashkutueutshuap.

## 6.1 Eshi-tipaikanit assi nete itetshe mamit

Neni minishtikua kie minishtikussa tekuaki mamit, ne tekuak Ueuepitshi-minishtik<sup>u</sup> nete mamit nuash nete Akuanissiu-shipu, neme eshi-katipakanit assi 2 ishi-uitakanua « anite eka nita ka itutenanut ». Ne assi eshi-tipaikanit tshipa tshi uaueshi-tshitapatakanu, shash anite ka nishtuapatakaniti kie ne tshe utinakanit anite eshi-nitautshik tshekuan kie eshi-takuak. Anite peneiauht missipat etutahk utshishtunuaua, neni uapikuna tekuaki kie ne tshiashi-aitun tekuak, tshipa tshi mishta-tshishpeuatakanu.

Neme e takuaimatakanit assi tekuak mamit, takuan ne assi anite peneiauht missipat nete Watshishou, tshipa ui nakatuapatakanu kie tshishpeuatakanu neme eshi-takuak tshekuan natautshik kie e aitinanut nete papeik<sup>u</sup> minishtikut kie minishtikussit. Tshipa ui ashit takuanua utshishtunuaua anitshenat mitshet missipat mak atut tshipa ui mamashiakanuat miam peneiauitaui.


Neme tshe itapashtakanit assi tekuak anite tshipa tshi tutakanu mitshet tshekuan miam e papamishkananut ashit atshiku-ush, uenapissish kie ma minekash, e papamishkananut ishkuuteu-utit tshetshi aitapinanut mak tshetshi nishtuapatakanit eshinakuak anite assit. Neme tshekuana tiapuetakanit tshetshi tutakaniti nete itetshe mamit, tshipa ui mishkut minu-nakatuapatakanua.






*Parcs Canada* tshipa ui tshimatau passe tshekuana tshetshi apashtaht maniteuat tekushinitaui ute itetshe assinu tekuannit. Nemeni assia anite tshekuan tshe tutakanit apu tshika ut ui takuak anite tshekuan natautshik kie aitun tshe mamashitakanit ne ui aitatussenanuti. Tshipa tshi ashit takuaimatakanua passe neni assia, passe neni minishtikua tshipa tshi tshipaikanua uenapissish kie ma natshishk tshetshi nakatuapakaniti, tshetshi tshishpeuatakaniti.

## 6.2 Tanite ua itutenanut ashit neme e tipaikanit assi

Ute etutakanit takuaikan-mashinaikan, neme assi ka mitshiminakanit tshetshi eka nutshitakanit, tshipa tshi anite natu-tshissenitakanu neme assi ka ishi-tipaikanit, nete aishkat pipuna. Tshipa tshi tutakanu ne kie tshipa apatan tutakanit tshetshi tshishpeuatakanit neme assi eshinakuak kie eshi-takuak tshiashi-aitun. Tshetshi minakanit tshekuannu tshe tutak ne maniteu ueusinakuannit kie nenu tshekuannu tshe ishi-takuannit nete minishtikut, neme mate Ueuepitshu-minishtikut, Utshishtunishekau-minishtikut kie nete mamit. Ishinakuak tshetshi mishkutunakanit tshekuan anite, ne ka mishkutunakanit tshipa natu-tshissenitakanu assi kie tshipa natakanuat innuat, utenassa kie nutim auenitshenat tshetshi natakannit etenitahk. Mak ashit, nemeni atusseuna ua tutakaniti anite e uaueshi-tshitapatakanit ne eshi-tipaikanit assi, ishinakuak tshetshi eka minuut neme ka ishi-natu-tshissenitakanit assi, tshika natu-tshissenitakanu eshi-katshitaikanit assi mekuat e uauetinakanit ne atusseun, miam etashtet nete Ka ishi-itashumuet *Parcs Canada* nenu niashatak eshinakuannit Takuaikanu anite mishue *Canada*-assit e natu-tshissenitakanit eshi-katshitaikanit assi (2012).





-  Limites de la réserve de parc national du Canada de l'Archipel-de-Mingan  
Boundaries of Mingan Archipelago National Park Reserve of Canada
-  Limites des secteurs du parc  
Park District Boundaries
-  Zone I - Préservation spéciale  
Zone I - Special Preservation  
Neme ushatk assi, peik<sup>u</sup> - Assia passe tshe ishi-tshishpeutakaniti
-  Zone II - Milieu sauvage  
Zone II - Wilderness  
Neme kutak assi, nish<sup>u</sup> - Assia eshk<sup>u</sup> eka nutshitakanit
-  Zone III - Milieu naturel  
Zone III - Natural Environment  
Neme kutak assi, nish<sup>t</sup> - Assi ka tshiam ka ishinakuak



Projection cartographique Mercator Transverse Modifiée  
 Système de référence géodésique NAD83



Cartographie adaptée de: Del Degan, Massé & Associés, 2003





## 7. E takuapetinakanit, neme tshe natu-tshissenitakanit assi

Mishta-apatana ne tshetshi natu-tshissenitakanit assi, tshetshi nashatakannit nenu tshekuannu ka ui utitaik ne Utatau-tshishe-utshimau, nenu assinu niakatuapatakannit kie ua mishituepanitakannit. Neme uet tutakanit tshetshi tshissenitakanit kie natu-tshissenitakanit ne assi eshinakuak anite takuaikan-mashinaikanit tshe mashinatet.

Nemeni tshekuana ua utitaikaniti ,nete e natu-tshissenitakanit assi, eukuani umeni :

- Natu-tshissenitakanu neme eshi-uapatakanit, tshekuana niashatakanniti, ua tutakanit kie tshe itatussenanut anite takuaikan-mashinaikanit, tshetshi ishpitenitakannit kie nashatakannit nemenu ka ui tutak kie utakuai kana ne *Parcs Canada*. Tshekuan ua tutakanit kie ua utitaikaniti tshetshi minushtet assi kie minu-nitautshik tshekuan mak ne eshi-takuaki aituna.
- Natu-tshissenitakanu tshe ishi-katshitaikanit tshekuan aitatussenanut anite takuaikan-mashinaikanit tshetshi nasht uemut minupanit anite assit mak tshetshi eka anu takuak ne eka ka minuut.
- Natu-tshissenitakanu tshe ishpanit neme aitatussenanut anite ka ishi-petakanit anite takuaikan-mashinaikanit, tshe ishi-katshitaikanit assi kie eshi-takuak aitun nete assit ka mitshiminakanit.

Ne ka natu-tshissenitakanit apashtakanu neme ka itashuenanut nete Mashinaikanitshuapit ka natu-tshissenitakanit assi anite atusseuna ua takuaimatakaniti, ua tutakaniti tshe ishinakuaki neni atusseuna (2010). Nashatakanua ashit neni ka ishi-uetashuenanut anite Eshi-takuaitshet kie takuaikan-mashinaikana ka tutak *Parcs Canada*. (1994).

Neme tshe itatussenanut eukuani umeni tshe takuaki anite :

### 7.1 Tapishkut tshe ishinakuak

Neme tshekuana ua utitaikaniti anite takuaikan-mashinaikanit uauetashtakanipani tshetshi minushteti kie tshetshi nashatakanniti nenua utakuai kana, ne *Parcs Canada* mak anite Utatau-tshishe-utshimat, kie tshe nashatahk. E tshitapatakanit, e natu-tshissenitakanit ne tshekuan ua utitaikaniti anite meshinatet takuaikan-mashinaikanit tshi uitakanu ne eshinakuak nutim tshekuan etutakanit anite takuaikanit nashatakanu neme Takuaikan ka nakatuenitakaniti assia ute *Canada* assit mak etashumueti nemeni mashinaikana ka nakatuapatakanit assi anite Utatau-tshishe-utshimat.

### 7.2 Tshe itenitakuak tutakaniti

Neme tshe ishinakuak natu-tshissenitakaniti, tshika tshi nakatuapatakanu tshetshi ne muk<sup>u</sup> nikan tshekuan tekuak anite takuaikan-mashinaikanit tutakanit. Ne tshe itenitakuak nukuan anite tshekuan tekuak anite e natu-tshissenitakanit assi kie ne eka ka natu-tshissenitakanit. Ne netu-tshissenitakanit tutakanipan ne e tshitapatakaniti tshekuan nikan ka takuaki anite takuaikan-mashinaikanit kie nemeni tshekuan eka tshe minupaniti nete eshpishpanit kie eshpishat. Ute etaiak<sup>u</sup>, neme tshe itenitakuak takuan anite ka tshitapatakanit neme tshe ishi-katshitaikanit assi kie neme aituna mak anite ka natuauakaissenanut. Neme eshi-nakashinanut anite ka natu-tshissenitakanit, eukuani anite auen tepenitak nenu assinu ka mitshiminakanit. Ne tshekuan nekatik miam neni eshinakuaki anite tekuaki takuaikan-mashinaikanit.

### 7.3 Tshe natu-tshissenitakanit neme tshe ishinakuak tutakaniti tshekuan anite e takuaitshenanut

Neme netu-tshissenitakanit eshpish kushtakanit anite eshi-tapishinanut anite assit, eshi-nitautshik tshekuan kie aueshishat etah<sup>t</sup> mak nemeni aituna, tshi tshissenitakanu tan etutatshet ne e takuaitshenanut anite assit kie aituna.

Neme tshekuana ua tutakaniti nete uetshipaniti tshekuan ua utitaikaniti mak neme eshi-takuaitshenanut anite mamit itetshe, tshipa minupanu neni tutakaniti tshekuana.

#### **Ne tshekuan ua tutakanit « Tshe minu-tapishinanut ashit anitshenat innuat » :**

- Aieshkushtakanu tshetshi natshi-patshitinakanit aimun kie aimuatakanit nete innu-assit nenu eshinakuannit *Parcs Canada* utatusseun mak anitshenat innuat anite e takuaimatakaniti aituna tekuaki.
- Uauitakanu eshi-nishtuapatakanit tshiashi-tipatshimun nete minishtikut nete assi ka mitshiminakait, e uitshiaushihit anitshenat innu-assit etah<sup>t</sup>.

#### **Ne tshekuan ua tutakanit « Ne assi ka mitshiminakanit ka mishta-nishtuapatakanit upime ait assit ashit » :**

- E tutakanit tshetshi minushtet neme atusseun ka uauetashtakanit ka nakatuapatakanit eshi-nitautshik tshekuan assit kie tshekuan tekuak, neme tshekuan ka minu-takuaimatakanit ka apashtakanit tshetshi takuak tshekuan kie ma tshetshi minushtet ne eshi-nitautshik tshekuan assit.



- Nakatuapatakanua kie minunakutakanua neni tshekuana ka kushtikuaki tshetshi eka takuaki kie tshetshi eka taht (miam mate : aiapanishat kie ma uapikun ka ishinikatet *chardon de Mingan*) anitshenat e uitshi-atussemakaniht etaht utenassit, upime assia kie ait assit, anitshenat ka shapenitahk tshetshi tutahk.

**Ne tshekuan ua tutakanit « Ka ashineuatshenanut ne assi ka mitshiminakanit tshetshi eka nutshitakanit ute tshiuetinit-mamit » :**

- Tshetshi tutakaniti atusseuakana tshe pimatutakanit aimun tshetshi uitamuakaniht anitshenat epiht pessish utenassit kie innu-assit tshekuannu etutakannit anite (mate: e nanatuapatitshenanut, tshekuan etutakanit), tshekuan ka tutakanit mak neme tshekuan eka uiesh ka takuak nete assit ka mitshiminakanit.
- Tshetshi tshishkutamuakaniht auenitshenat, tshetshi natshiuapatatak nenu assinu kie ma tshetshi tshishpeuatakanit anitshenat ka auassiuht e uitshi-atussemakaniht etaht anite pessish (Mate: katshishkutamuakanishiht e mupiht, e tshishkutamuakaniht e kutikuniht, e naikakanit nete nashipetimit).
- Aimitunanu ashit innuat kie anitshenat ka uitshi-atussemakaniht pessish etaht tshetshi uitakaniti neni eshpitenitakaniti aituna tekuaki anite assit ka mitshiminakanit.

**Eshi-nashatakanit eshi-takuaimatakanit anite itetshe mamit**

- Tutakanu neni tshipa ishinakuana minishtikua kie minishtikussa nete itetshe mamit (mate: eshi-nitautshik tshekuan, eshi-takuaki aituna, eshpishat assit, eshinakuak assi, tshipa ishi-takuan tshekuan, tshekuan eka ka minupanit) tshipa ui natu-tshissenitakanu neme tshe ishi-takuaitshenanut mak tshetshi shash tshissenitakanit tshekuan nikan tshe ashtakanit, tshekuan ushkat tshe mitshiminakanit, tshekuan tshe tshishkutamatshenanut mak tshekuannu tshe uapatatak maniteuat.
- Minutakanua kie mishituepanitakanua atusseuakana tshetshi uapatiniuenanut tshe ishi-nakatuapatakanit tshetshi eka kushtikuannit maniteuat tekushinitau mak tshetshi ishpitenitakanit assi, nete eshinakuak mamit tshetshi apatenitakanit.

## 7.4 Tshekuan tshe tutakanit tshetshi itsheuenakanit kie ma eka shuk<sup>u</sup> mishta-katshitaitshemakak ne eka ka minuat

Mashinataikanu anite takuaikan-mashinaikanit, mitshet tshekuan tshe tutakanit, neme shash nashatakaniti etashtet, tshetshi eka shuk<sup>u</sup> mishta-mamashitakanit neme assi, tshetshi eka mishta-katshitaikanit ne tshekuan e nitautshik, aueshishat etaht kie neme aituna etutakaniti.

Muk<sup>u</sup> ma, neme ka natu-tshissenitakanit anite assi eshi-katshitaikanit ekue tshi uapatakanit tshekuan takut tshipa tshi tutakanu tshetshi eka mishta-katshitaikanit neme assi anite ka mashinataikanit takuaikan-mashinaikanit. Ne tshekuan tshipa tutakanu tshetshi atshunakanit neme tshe ishi-katshitaikanit assi uitakanu anite ka mashinateua :

- Tshetshi minutakanit ne tshekuan ua tutakanit tshetshi pitukatakanit neme ka natu-tshissenitakanit eshinakuak assi. Ushkat neme katshi utinakanit aimun mak katshi tshitapatakanitau tshekuana ka petakaniti anite atusseuna e tutakaniti. Mak ekue uauapatakanit assi eshinakutakanit nemeni tekuaki tshekuana ka petakaniti.
- Tshetshi tutakanit tshe ishi-manatshitakanit, tshetshi eka shuk<sup>u</sup> mishta-katshitaikaniti nemeni tekuaki aituna kie eshi-nitautshiki. Neme ashit assit tshekuan ka mishta-apatak, ua utitaikanit anite tshekuannu tshe tutahk maniteuat tekushinitau.
- *Parcs Canada* uemut uin tshika ui takuaimatam<sup>u</sup> nenu eshi-katshitaikannit assinu nenu eka menuanit miam etashtet anite *Takuaikan Canada-assit neme ka natu-tshissenitakanit assi 2012* mak miam etashtet nete *Ka ishi-itashuet Parcs Canada nenu niashatak eshinakuannit Takuaikanu anite mishue Canada-assit e natu-tshissenitakanit eshi-katshitaikanit assi (2012)*. Nemenu e uauetashtat tshe nashatak utakuaiKAN-mashinaikan, neme tshe tutakanit tshetshi eka mishta-katshitaikanit assi tshika tutakanua miam uauapatakaniti neme etutatsheti anite assit, nemeni atusseuna ua tutakaniti, tshipa tshi eka minuuua neni tshekuana anite tekuaki.
- Tshipa ui tutakanu neme e tutakanit atusseun tshetshi nakatuapatakanit kie takuaimatakanit e nashatakanit neme eshi-pimipaniht assit mak eshi-takuak anite aitun nete assit ka mitshiminakanit.



- Tshetshi aieshkushtakanit atusseun tshe tutakanit tshek ma mishkutshipaniti ne tshishik<sup>u</sup> eshinakuak tshetshi manatshitakanit neme tshekuan tekuak assi, eshi-nitautshik, neni aituna tekuaki, eshi-tshimatet anite tshekuan mak tshekuannu e uapatak ne maniteu.
- Tshetshi apatenitakaniti nemeni tshekuana ka utshipaniti nete *mashinaikanit ka uauitakanit eshinakuak neme assi ka mitshiminakanit neni Ekuanitshiu-minishtikua tekuaki ute tshiuetinit-mamit Canada 2011* neme ka tutakanit tshekuan ka mashinatet anite takuaikan-mashinaikanit mak tshetshi uapatiniakanit auenitshenat epiht pessish tekuaki minishtikua mak anitshenat ka uitshi-atussemananiht.
- Tshipa tshi ishinakuan, tshetshi natu-tshissenitakanit neme assi miam minushtakaniti tshe itatussenanut miam mate neme tshe ishi-takuaimatakanit eshinakuak minashkuat kie ma tshe ishi-uapatiniuenanut anite mishue tshetshi auenitshenat takushiniht.
- Neme tshe uaeshi-tshitapatakanit eshi-tipaikanit assi mamit itetshe, tshika ui uitamuakanuat kie natakanuat auenitshenat mak tshika ui ashit natu-tshissenitakannu eshinakuak neme assi. Neme tshekuan tutakaniti tshika ui mitshet tshekuan tshissenitakanu, neme eshinakuak assi, tan etapatak mak eshi-kushtikuak tshetshi pikupanit ne eshi-nitautshik tshekuan mak ashit nemenu tshekuannu manakaniht maniteuat tshetshi tutahk kie tshe eshpanit anutshish kie nete aishkat takushinitauit auenitshenat anite assit. Mak ashit, neme uitakaniti tshe aitatussenanut neme minushtakaniti eshi-tipaikanit assi, tshika natu-tshissenitakanu neme assi eshi-katshitaikanit, miam etashtet nete *Ka itashuet Parcs Canada nenu niashatak eshinakuannit Takuaikanu anite mishue Canada-assit e natu-tshissenitakanit eshi-katshitaikanit assi (2012)*, tshek ma neni takuakauit atusseuna eka ka minupaniti.

## 7.5 Etap tshe takuak neme eka ka minuat

Uapatakanu anite, tshatapatakaniti takuaikan-mashinaikan, ka mitshiminakanit assi, atut tshipa mishta-katshitaikanu assi tshi tshitshipanitaniti neme tshekuan ua tutakanit. Nemeni tshekuana tshipa uitshiuuea tshetshi atshupaniti eshi-takaikaniti nemeni aituna tekuaki, eshi-nitautshiki tshekuana anite assit kie tshetshi eka mishta-aitutakaniti, tshetshi eka mishta-mishati neni eka ka minuati tshekuana.

## 7.6 E natu-tshissenitakanit tshipa ishi-mautshipanu eka menuat tshekuan takuaitshenanuti meshinatet takuaikan-mashinaikanit

Ne tshipa ishi-mautshipanu, eka ka minuat an tshekuan eshkupanit, uetshipaniti anite eshi-takuaitshenanut miam etashtet takuaikan-mashinaikanit, takuan ne eka menuat tshekuan, etutakanit atusseun mekuat nete tshiuetinit-mamit *Minganie*. Ka katshitaikanit ueshkat, anutshish kie nete aishkat tshe katshitaikanit neme eshi-takuak assit tshekuan kie ma anite aitunit nete assi ka mitshiminakanit. Mak ashit, neme e natu-tshissenitakanit eshi-mautshipaniti, ashpatshishimuatshenanu neme eshinakuak nakana neme eshi-katshitaishemakaki atusseuna kie ne aitatussenanut, tshipa tshi ait ishi-katshitaikanu kie ma tshipa tshi mishta-aitutakanu mak at neni pissik<sup>u</sup> auen etutaki nenua atusseuna kie ma tshekuana.

Ne etap tshe matenitakuak eka menuati tshekuana, eka ka mishta-apatenitakuaki neme tshi tutakanitauit tshekuana tshetshi atshupaniti neme natu-tshissenitakaniti eshi-katshitaikanit assi, apu tshika ut katshitaikaniti neni kutaka atusseuna kie tshekuana etutakaniti, tshipa put ishi-mishituepanipan ait kie etatu ka mishat tshekuan. Eukuan, nasht apu itenitakuak neme tshe etap tshe matenitakuak eka menuat tshekuan anite atusseuna tutakanitauit, tshetshi katshitaikanit neme eshi-takuak anite ka mitshiminakanit assi.

## 7.7 Tshe nakatuapatakanit

Neme atusseun ka nakatuapatakanit tshima minu-nitautshik kie minushtet assi, tshika natashtakanu tan tshe ishi-nashatakannit tshetshi uitakanit eshinakuak ne ka mitshiminakanit assi. Neme mashinaikan ka tutakanit ka natu-tshissenitakanit assi ka mitshiminakanit, eukuan an atusseuakan anu menuat nakatuapatakaniti atusseun. Mak ashit, neme e natu-tshissenitakanit assi eshi-katshitaikanit, eshi-pikunakanit, tshika tshi mishkut tshissenitakuan tshekuan tshe tutakanit tshetshi nakatuapatakanit, anite atusseuna tshe tutakaniti miam eshi-mashinatet anite takuaikan-mashinaikanit, tshipa tshi eka minuu ne tshekuan. Neme eshi-nakatuapatakanit tshetshi ma minuakue, tutakanu tshetshi ma, ne eka ka minuat, ishinakuak miam ka ishi-uitakanit tshetshi ishinakuak mak tshetshi ma neme ka ui tutakanit tshetshi eka mishta-katshitaikanit nete ka natuenitakanit ka natu-tshissenitakanit eshi-katshitaikanit, tshima minupanukue tshetshi itsheuenakanit eka menuat.



## 7.8 Ka ishinakuak tshetshi natu-tshissenitakanit assi

Mishta-apatant tshetshi tshissenitakaniti tshekuana tshipa minuaua apashtakaniti neme natu-tshissenitakaniti assi miam neme ka itashtet nete *Ka aitashuet Parcs Canada nenu niashatak eshinakuannit Takuaikanu anite mishue Canada-assit e natu-tshissenitakanit eshi-katshitaikanit assit (2012)*. Nete tshipa shatshuapatenau ka itashtet 5.8 neme *Tshe aitatussenanut natu-tshissenitakaniti assi*, anite takuaikan-mashinaikanit tshetshi tshissenitakaniti tshekuana neni.

Eshi-unuipaniiti tshekuana natu-tshissenitakaniti assi eshi-katshitaikanit, eukuan eshi-tshishtaiaik<sup>u</sup> ume, katshi tshissenitamak tsheku-aimun uenuipaniiti, ne takuaikan-mashinaikan assi ka mitshiminakanit takaim<sup>u</sup> tshekuannu muk<sup>u</sup> tshipa tshi tutakanu tshetshi eka shuk<sup>u</sup> mishta-katshitaik. Ne takuaikan-mashinaikan tshipa tshi nikanashtakanu ne tshe aitatutakanit tshekuan ka mashinataikanit, nashatakaniti miam ka ishi-mashinataikanit.

## 7.9 Tshe natu-tshissenitakanit tan tshe ishi-katshitaikanit neme nutim eshpishat

Neme tshatapatakanit ka natu-tshissenitakanit assi nete ushkat meshinatet takuaikan-mashinaikanit tshipa tshi inanu ume, nutim eshpishat ne tshekuan etap tekuak ne eka menuat mak neme ka mautshitumakaki eka ka minuati tshekuana, apu mitsheki.

## 7.10 Mashten aimun

Neme eshinakuak nutim e tshitapatakanit, neme tshekuana ka petakaniti mak neme tshe ishi-takuaitshenanut nete itetshe mamit anite ka uapatiniuenanut takuaikan-mashinaikanit, nashatakannu nemenu ua utitaik kie eshi-takuaitshet ne *Parcs Canada*. Ume etutakanit atusseun, tshi uapatiniuenanu ne takuaikan-mashinaikan niakatuapatak nenu tshekuannu eshi-nitautshinnit anite assit kie eshi-takuanniti aituna. Tshi tutakanu tshetshi etatu minuut neme atusseun petshitanakanit, tshetshi tshikanakuak mak e pitukatakanit neme assi ka mitshiminakanit anite eshinakuak tshetshi takuak. Neme tshekuan eka tshe minupaniiti ne e mamitunenitamiet, tshipa tshi tutakanu tshetshi eka mishati nemeni tutakaniti tshekuana ka nishtuapatakaniti kie ma tshekuan shash ka tutakanit nete ueshkat kie ka minupaniiti. Tshi tutakaniti tshetshi eka mishta-katshitaikanit tshekuan, apu tshika ut mishta-nukuak tshekuan ne etap eka ka minuut. Nete nipi tekuak anite assi ka mitshiminakanit, nemeni atusseuna tutakanitapu apu tshika ut mishta-matenitakuak kie apu tshika ut mishta-katshitaikanit assi, miam etashtet takuaikan-mashinaikanit. Etatu tshika minu-natu-tshissenitakanu assi nemeni atusseuna tekuaki nete aishkat tshi aieshkushtakaniti neme tshe itatussenanut, tshi minu-tshissenitakaniti tshe ishinakuak ne atusseun ua tutakanit.



## Mashinaikana ka apashtakaniti etutakanit ume mashinaikan

*Nishtutatun ka tapuetatuht anitshenat innuat ka tapishiniht anite Mamuitunit mak Nutashkuanit kie Uepishtikueiau-tshishe-utshimau mak Utaua-tshishe-utshimau, 2004, 88 e passeietinakanit ashit ashushtakana assiu-kanuat.*

GOSSELIN, Daniel. *Assi ka mitshiminakanit ka tshitaimatshenanut ute Canada, neni Ekuanitshiu-minishtikua tekuaki, Ka natu-tshissenimakaniht maniteuat 2007-2008 : Ka tshitapatakannit ka aitenitak maniteu tekushiniti ute, Ka atusseshtakanit ka nanatuapatitshenanut, Parcs Canada, Anite etussenanut Uepishtikueiat, ushkau-pishim<sup>n</sup> 2009, 46 e passeietinakanit mak ashushtakana.*

*PARCS CANADA. Mashinaikan ka aieshkushtakanit tshe ishi-takuaimatakanit assi, 2008, 102 e passeietinakanit.*

*PARCS CANADA. Assi ka mitshiminakanit ka tshitaimatshenanut ute Canada, neni Ekuanitshiu-minishtikua tekuaki, Ka natu-tshissenimakaniht maniteuat 2005, uinashku-pishim<sup>n</sup> 2006, 26 e passeietinakanit mak ashushtakana.*

*PARCS CANADA. Assi ka mitshiminakanit ka tshitaimatshenanut ute Canada, neni Ekuanitshiu-minishtikua tekuaki, Ka natu-tshissenimakaniht maniteuat 2007-2008 : Tan ka itapashtaht nenua minishtikua anitshenat maniteuat tekushinitaui ute, Jean-François Rivard, Anite itetshe ka nanatuapatitshenanut, shiship-pishim<sup>n</sup> 2009, 35 e passeietinakanit + ashushtakana.*

*PARCS CANADA. Assi ka mitshiminakanit ka tshitaimatshenanut ute Canada neni Ekuanitshiu-minishtikua tekuaki, takuaikan-mashinaikan, takuatshi-pishim<sup>n</sup> 2005, 119 e passeietinakanit.*

*PARCS CANADA. Assi ka mitshiminakanit ka tshitaimatshenanut ute Canada neni Ekuanitshiu-minishtikua tekuaki, Mashinaikan ka uitakanit tan eshpanit atusseun nete assi ka mitshiminakanit, 2011, 55 e passeietinakanit.*

*PARCS CANADA. Ka natu-tshissenitakanit assi eshpanit etutatshet atusseun tshe tutakanit anite takuaikan-mashinaikanit , 2011.*

## Aimunnu ka minakanit ne tshe tshitapatak mashinaikannu

Neni aimuna: innu-aitun mak Nitassinan ka takuanuani ute mashinaikanit utshipanua anite nishtutatunit ka tapuetatuht anitshenat innuat ka tapishiniht anite Mamuitunit mak Nutashkuanit kie Uepishtikueiau-tshishe-utshimau mak Utaua-tshishe-utshimau. Neni takaikanua ka natapinanut ashpi-mitshishuakanit ashit tshishe-utshimau tshetshi aimuatakanit ne assi kie ua tipenimitishuht anitshenat innuat epiht Mashteuiatsh, Essipit mak Nutashkuanit. Ne eshi-natuenitakanit tshekuan takuan anite ka natapishtatunani tshetshi tshishtapanitakanit ne nishtutatun tshe mashinatautishunanut mashten.



## Aimuna

### **Tshe ishi-takuaimatakanit tshekuan ait eshinakuak**

Eshi-atusseshtakanit tshekuan tshetshi minupannit ka minakanit ne *Parcs Canada* tshetshi tutak anite assinu etusseshtak uashka tekuannit. Mitshetuait tshekuannu tshika ui tshitapatakannu miam nenu : e animak ne tshekuan tshe ui katshitinakanit kie ma tshe unitakanit, ne eshinakuak assi ua nakatuapatakanit, e mamunakaniht mitshet auenitshenat, ka shatshitaht anitshenat epiht anite pessish kie ma maniteuat ka takushiniht kie ma ne assi ka ishinakuak tshetshi ishi-takuaimatakanit tipan.

### **Mamuitun ka nashatahk atusseunnu**

Mamuitun ka taht anitshenat ka utinakanit anite innu-assit mak anitshenat ka shapenitahk nenu e takuaimatakannit assinu ka mitshiminakanit anite ka atusseht atusseutshuapit ute tekuaki pessish. Ishinakuannu utatusseunnu ka natshikukuetshimakaniht tshekuannu, nenu utshimaua ka takuaimataminiti nenu assinu ka mitshiminakanit. Nenu eshi-kukuetshimakaniht, takaikannu nenu tshekuannu tshe kanieunanunit kie ma tshe unitakannit, anite atusseunit kie ashit tshe ishi-tutakannit atusseunnu ua kanuenitakannit kie minunakutakannit nenu eshinakuannit assinu. Ne mamuitun tshi etatu minutau nenu eshi-takuaimatakannit assinu ka mitshiminakanit tekuannit anite pessish utenassa kie ashit nashatam" nenu eshinakuannit utatusseun ka ui utitaik.

### **Tipenitamuna shashish ka takuaki**

Neni tipenitamuna shashish ka takuaki, tipenitamuna neni ka tshishpeuatakaniti nete takuaikan-mashinaikanit tshishpe-utshimau ka tutak nenu pipunnu 1982 etashtet mashinaikaniss 35(1), anite ka utinakanit takuaikanit ka ueueshtakanit tiptenitamun ute *Canada*-assit.

### **Eshinakuak assi eshi-nitautshik tshekuan**

Ka minushtet tshekuan anite tekuak assit, shash ka tipaikanit eshpishat mak eshinakuak ne assi, anite tshekuan natautshik ait ka ishinakuak (eshinakuak tshishik", assi) ka apashtat anitshenat etusseshtahk kie nenu-tshissenitahk assinu eshinakuannit.

### **Ka tapuatakanit eshinakuak ne tshekuan kenuenitakanit anite ka ishpitenitakuak ka aitananut**

Mashinaikan iapashtakanit tshetshi takuaimatakanit tshekuan, anite ka uitakanit eshi-kanuenitashunanut eshpitenitakuak ka aitananut kie ka atusseshtakanit anite assia ka mitshiminakaniti kie neni nipia ka tshishpeuatakaniti anite ut *Parcs Canada* ka takuaimatakaniti kie ka tutakanit ne tshekuan ua utitaikanit tshetshi tshishpeuatakaniti assia.

### **Ka nishtutatunanut tshe ishi-katshitinakanit tshekuan, miam ne kanieun**

Nishtutatun ashit *Parcs Canada* mak anitshenat innuat ka natapiht ashpi-mitshuakanit tshetshi nishtutatunanut nenu ut assi. Assi ka ishi-nishtuapatakanit miam assi ka katshitinakanit kie tshe ashu-minakaniht anishkutapanat. *Parcs Canada* nenu tipenitam" kie takuaimatam", mak tshipa tshi eka minu-utinakannu anite innit itetshe kie apu tshipa katshitinam" tshekuannu menuanit.

### **Tan ka itenitak ne maniteu nete *Parcs Canada***

Nenu tshekuannu ka ishi-uapatak anite assinu ka tshishpeuatakanit ka shatshuapatak ne maniteu kie mak nenua etaniti auennua; miam pekupannit nenu eshi-uapatak, etenitak ne maniteu, takauku anite etenimut kie anite ushtikuanit, ekue tapishinit anite assinu.

### **Innu-aitun**

Uapatiniuenanu ne kassinu tshekuan etutakanit, tshiashi-aitun kie ma eshk" anutshish ka tutakanit, nenu ka aitiht kie ka ishi-tapueinitahk mak ka ishinniut innuat shashish nemenu ka taht kie ka apashtat assinu Nitassinan mak nenu eshi-tapishiniht anite assit. Kassinu nenu tshekuannu ka aitatusseht, shashish ka aitiht, miam e nataunanut, e kussenanut, e ashtakaniti assikumana mak e maushunanut tshetshi mitshishunanut, ka aitananut kie etenitakushinanut. Kassinu ne tshekuan e takaikanit aiamieun, ishpitenitamun, aitun, eshi-uitshetunanut kie mamu etananut takuan anite ne uauitakanit. Neme ka atauenanut nete takuaimatakanua takuaikana ka takuaki utaua-tshishe-utshimat kie uepishtikueiau-tshishe-utshimat nikan ka takuaki. Innu-aitun ishinakuan tshetshi apatshiakanit aueshish, nipish mak uapikun, ashini, nipi kie kutak tshekuan eshi-takuak anite assit tshetshi ashmitishunanut, aiamiananut kie ma eitenimunanut, mak tshetshi inniunanut, miam ka itashtet anite mashinaikanit, 5.2.4 [de l'EDPOG] (EDPOG, articles 1.2 et 1.3).

### **Minu-nitautshik tshekuan kie aueshishat minupaniht, minushteu assi**

Ne eshinakuak assi ka mitshiminakanit, ka takuak anite uiesh kie tshe tshishpeuatakanit tshetshi eka pikunikanit tshekuan eshi-takuak, miam anite eka katshi apinanut, eka tshekuan ka itapatak, eka tshekuan ka nitautshik, eshinakuak ne tshekuan natautshik miam ne nipisha, uapikuna kie mishtikuat kie aueshishat mak ne assi eshi-mishkutshipanit kie kau nanitam ka ishinakuak (*Takuaikan mashinaikanit ka tshitapatakantiti neni assia ka mitshiminakaniti tshetshi eka natau ishinakutakaniti, ka takuak anite 2 [1]*).





## **Nitassinan**

Assi anite shashish innuat ka taht, miam etashtet ne nishtutatun ashit anitshenat nutashkuaniunnuat mak tshishe-utshimau, nete ka takuak Uepishtikueiau-assi.

## **Assia ka nakatuapatak *Parcs Canada* ka ishi-uinakanit**

Ka tshimatakanit atusseutshuap neme pishimuss 1998 ne takuaikan tshetshi tutakanit atusseutshuap tshe tshitapakaniti assia ka kanuenitakaniti nete *Canada*-assit, *Parcs Canada* ishinakuannu utusseun tshetshi kanuenitak, tshishpeuatak kie uapatiniuet nenua ka mishta-apatanniti assia menuashiniti ute *Canada*-assit. Nenua utshimamishitueu utshimaua ka tshimanakanniti, nenu assinu eshinakutakannit kie ka tshishpeuatakannit.

## **Ka mitshiminakanit assi nutim ume eshipishat *Canada*-assi**

Ne assi ka mitshiminakanit ka uitakanit kie ka uauitakanit nete anishkushtakanit 1 anite ut *Takuaiakanit ka tshitapakaniti assia ka mitshiminakaniti ute Canada*-assit kie ma ne assi ka tutakanit miam etashtet nete nishtutatunit tshishe-utshimauat, Utauat mak Uepishtikueiat, kie tekuak anite mashinaikanitshuapit assia ka takuaimatakaniti mak eka ka uauitakanit anite anishkushtakanit 1 nete *Takuaiakanit ka tshitapakaniti assia ka mitshiminakaniti*. Neni assia ka mitshiminakaniti tutamuakanipant anitshenat etaht ute *Canada*-assit tshetshi apashtaht nenua assia, tshetshi minuatahk mak tshetshi tshishkutamatishuatsheht. Tshika ui minu-kanauenitakanua tshetshi eka shuk<sup>u</sup> mishta-pikunikaniti kie tshetshi nakatamuakanitshuapit anitshenat etaht kie anitshenat auassat tshe petuteht.

## **Takuaiakan-mashinaikan**

Mashinaikan anite meshinatet tshekuan ua utitaikanit anite tiakuaimatakanit assi ka tshishpeuatakanit mak ne tshekuan tshe tutakanit kie tshe itatussenanut tshetshi utitaikanit neme ua natakanit. Eukuan iapashtakanit tshetshi tutakanit neme tshipa ishinakuan atusseun nete tshe takuaitshenanut mak ashit atusseuakan an etatu ka minu-mashinataikanit tan tshe ishi-tshitapakanit assi eshinakuak, tan tshe ishi-uapatiniuenanut assi kie tshe aitutuakanitshuapit maniteuat mak tshe tshitapakanit tshetshi eka kushtikuannit tataui. Ne takuaikan-mashinaikan tapuetam<sup>u</sup> nenu utshimau ka atusseshtak assinu miam etashtet anite Takuaikanit.

## **Mashinaikan e uitakaniti eshinakuaki assia**

Mashinaikan anite uatakanit eshinakuaki neni assia ka nakatuapatakaniti, ne assi ka ishi-uitakanit miam anite ka aishpanit tipatshimun kie ma anite itetshe nipit ka kanuenitakanit. Natu-tshissenitakanu tshetshi ma utitaikanit neme tshekuan ka ui tutakanit, e apashtakanit ka ishi-mashinataikanit, ka ishi-nashatak atusseunnu ka ui tutak *Parcs Canada*.

## **Nete etaht missipat**

Anite etaht missipat ishi-uitakanu ne peik<sup>u</sup> assi eka ka tapuetakanit tshetshi nataunanut missipat, tshetshi mamashiakanitshuapit missipat kie tshetshi pikunikaniti kie tshetshi utinakanniti nenua utshishtunua anitshenat missipat. Apu tapuetakanit ashit tshetshi kanauenimakanitshuapit missipat e inniuiht kie ma e nipiht, tshetshi kanauenitakannit ushakai, utshishtun kie ma missip-ua. Neni assia anite etaht missipat tutakanipani, e apashtakanit *Takuaiakan ka takaukuht missipat pipun 1994*.

## **Ka mitshiminakanit assi tshetshi eka nutshitakanit**

Ka mitshiminakanit assi tshetshi eka nutshitakanit ka ishinikatakanit kie ka uauitakanit anite anishkushtakanit 2 nete *Takuaiakan ka mitshiminakanit assi tshetshi eka nutshitakanit ute Canada* kie ma assi ka mitshiminakanit nete ka tshitapakanit atusseutshuap tshe nakatuapatakaniti assia ka kanuenitakaniti ute *Canada* assit mak eka ka mashinatet anite anishkushtakanit 2 anite *Takuaiakan ka mitshiminakanit assi tshetshi eka nutshitakanit ute Canada*. Ne *Takuaiakan ka tshitapakaniti assia ka mitshiminakaniti tshetshi eka nutshitakaniti ute Canada*-assit itashteu, tutakanua neni assia ka mitshiminakaniti etataui innuat ka natuenitahk utipenitamunua nete kassinu kie ma apishish assinu eshpishanit eshk<sup>u</sup> eka tutakannit nenu assinu ka mitshiminakannit kie ne utaua-tshishe-utshimau ka tapuetak tshetshi natapishtuat nenua innua tshetshi aimuatahk nenua ka natuenitakaniti assia.

## **Ute ka apiht auenitshenat**

Kassinu auen kie ma tshekuan ka tshimatet ute, ka apiht nanitam kie ma nanikutini ka takushiniht, assinu ka tipenitaminiti nenua Uepishtikueiau-tshishe-utshimaua eshinikatakanit *Minganie* mak neni innu-assia tekuaki Nutashkuanit kie Ekuanitshit. Ne eshi-uitakanit ume tshekuan apu uauitakannit nenu nakana ka aitatusseht shashish anitshenat epiht ute assit *Minganie* eshinikatet.



### **Tshekuan eshi-takuak anite ka ishinniunanut**

Ne aitun tshekuan an uetshipanit anite eshinniunanut kie ma anite enukuak katshi taht auenitshenat kie ma utinniunau mak utapuienitamunuau nenu kie ishipitenitamupanat, tanite takuanipan tipatshimun. Ne eshi-uitakanit tshekuan, mitshet an tshekuan takaikanu miam neni assia ka tananut, assia eshinakuaki, mitshuapa, ka mishkakanit tshekuan anite atamit assit kie ma kutak tshekuan shashish ka takuak mak mashinaikana.

### **Anite ka natuauakaissenanut**

Anite uiesh tekuak ne shashish ka aitiht innuat, nete ussit assit tekuak, atamit assit kie ma atamit nipit, anite e minutakuaimatakanit ne eshi-takuak tshekuan kie e nishtutakanit ne ka aishpanit kie ka aitinanut anite, tshipa tshi tutakanu ashit e apashtakanit ne ka natuauakaissenanut.

### **E mupinanut, e shatshuapatakanit**

Nenu tekushinit auen nete ka mitshiminakanit assi tshetshi eka nutshitakanit, tshetshi natshi-metueta, tshishkutamatishut kie tshetshi innu-aitit miam enutenakaniti. Pepamutenanuti anite pitute, e petakanit tshekuan kie ma muk<sup>n</sup> tshiam uenapissish etananuti mak nenu auen ka takushinit mitshetuau peikutshishikua kie ma nenu ka tat anite shash, apu atshitakaniti miam enut auen uemupiti.

### **Maniteuat**

Anitshenat ka shatshuapatahk nenu assinu ka mitshiminakanit tshetshi eka nutshitakanit, anite pessish ka apit, ute *Canada*-assit ka taht kie maniteu ait-assit ka utshipanit.

### **Kaumupishiht maniteuat**

Auenitshenat ka takushiniht ute tshetshi shatshuapatahk nenu assinu ka mitshiminakanit tshetshi eka nutshitakanit ka apiht upime ute assi *Minganie* ka ishinikatakanit (ute Eshkuashimut nuash Nutashkuanit) mak peikutipishkua ka taht upime nete uetshiht.